



空同先生全集序

五嶽山人吳郡黃省曾撰

夫文者。所以發闡性靈。叙詔倫則。形寫人紀。彰
泄天化。物感而言生。聲諧而節會。乃玄黃之英
華。而神理之自然也。譬彼霞輝星彩。匪繪而煥。
龍章鳳色。不繡而奇。豈出造為精機。妙吐而已。
况夫深居几榻。可達志於八方。暫控形骸。得寓
心於萬代。一言耀帙。黃壤如生。片撰升堂。藻園

不廢。所以達賢古聖。莫不尚之。解繩以來。六籍底績。體各殊科。道由一致。故裁訓者必依其本。贊事者必准其實。此命觚之骨髓。而執簡之要規也。經熄時遷。茲教燼喪。飾虛者繁。真校者寡。炎漢御宇。載煽王風。西京之文。號為爾雅。但渾質既淪。儒流瀾綫。得之者虎蔚於藝林。失之者螢息於晨草。校披千載。入室幾何。蓋詞非偽借。之可傳。語必肺本。而攸永。來世方遠。焉可眩欺。

鬼爍神昭。若握柄宰。如執簧之韻。耕田之唱。經調无芊眠之富。直音无潤色之美。六且緝陟孔。經采居匱史者。良由出之惻怛。嗟歎之真。自當流誦於無極也。粵我空同先生。嶽降於熙雍之運。鵬騫于平章之

朝。夙稱八斗之才。遂擅九州之秀。非姬公宣父之書。不涉於目。非左馬班揚之策。不發于筭。非騷選李杜之篇。不歷于思。由是代方享弊。樹獨

幟於旌墟。士舉安凡。振孤轅于廣陌。雖和之者
自萃。珪璋之儔。而訕之者頗繁。參商之輩。物忌
勢危。終於擯落。然先生風節凝持。卓立不懼。卒
能浣學囿之汚。沿新形管之瑣習。起末家之頽
散。復周漢之雅麗。彬々乎天下。學士大夫。莫不
趨風而宗之。自是埏宇之內。倡和鎔鈞。文章經
緯。與三代同驅矣。載論先生之撰。蔚雄閎衍。无
體格之弗統。酌稟圓融。何高深之弗臻。矩之音

氣。何密弗研。獲其神精。何奧弗範。如玄造。詭包
乎物器。海渤匪納。夫波流。五色錯以彪章。八音
和而協奏。鬱憂愉喜。婉附委陳。性靈著矣。五道
四德。諄敷重締。倫則表矣。將迎酬酢。稔擷鋪綴。
人紀備矣。兩間萬貌。緜絡籠挫。天化宣矣。由是
品擬先民。則銓情播義。釀浸於洙典。星離縉貫。
幅尺於丘明。約暢淵綺。橐籥於宋荀。騁頓激昂。
陶鑪于遷固。緣方形侶。合步於相如。體新揮述。

齊能于杜甫。祖轍求源。法同於康樂。挾衰續古。功並於拾遺。誠游藝之鉅工。而摛翰之鴻匠也。客有惜先生懸車之早。以為未究厥施者。予曰。不然。天生英哲。或用之顯績。或用之述經。先生興起學士。挽回古文。為天下作者之晉冠。則天之用先生者不小矣。仲尼旅人。騶軻弗寧。亦將以為未究厥施耶。省魯樂志。衡門脩辭。海曲山川。間之音。通道契。故先生于戊子之冬。以手編

全集。寄我姑蘇。殷勤扎書。屢貽疊受。既而先生問醫南下。邀予京口。千里不遐。命僕為序。辭謝再三。屬委逾至。乃得論襟于綠雲之亭。品文于大峴之山。並館逾旬。雪涕成別。長江悠悠。雲帆遂遠。歲之除夕。先生告徂。嗚呼。緬惟邂逅。已然季子之許。自顧淺膚。莫稱陽冰之託。勉撰斯文。恐孤泉下。附於驥後。且幸因之。與日月而並遠也。嘉靖九年春三月十六日。

萬曆己卯浙江思
山堂徐應瑞重梓

空同先生集卷第一

北郡李夢陽撰

賦一十首

疑賦

鈍賦

思賦

迹征賦

省愆賦

宣歸賦

緒寓賦

寄兒賦

侯軒子賦

竹石賦

賦一十首

疑賦

下乾上坤高卑易矣星辰在下江河逆矣天喬喬天

雉鳴求牡矣魚游于陸冠首履矣嗚呼噫嘻當晝而
夜宵中日出我黑彼白婦鬚男楊鈎刀何鈺湛盧何
鈍丈則謂短謂長者寸鳳鳴翩翩群唾衆愆鶴鷓胡
德見之慕焉嗚呼噫嘻貞瑩內精讒嫉孔彰垂滑澳
忍名崇智成軟詭歆歆馳騁爽達殲良媚勢光爛門
闥彼曰昧昧人則攸知上帝板板鬼神邈而昔之多
士猶或畏疑今之多士醜肆罔懷嗚呼噫嘻民殊者
形厥心則一威擠利嚼曰伊我粟血流于庭酣酒歸
室友朋胥嬉同聲德色弄彼罔識巧我攸極苦之執
衡視權與星今之執衡惟我重輕古道坦坦今眩東
西指晨謂暮日鸞謂鷄鄰牛茹虎冀虎德予厲莫察

階倒靡究所嗚呼噫嘻盜跖橫行回憲則貧上官尊
榮原隕厥身直何以仇佞何以親或何以顛操何以
振飛何以屈撻何以伸西子何惡嫫母何姝乘黃瘠
弱御者駘駘舍彼靈明溺任胡塗皎皎者忌憐彼濁
汚水清奚無魚而泥淖以成良畬先生莫所自解誦
曰握粟出卜其何能穀於是出造巫咸叩焉巫咸曰
胡梯鶻突而與世汨受福揭揭漁者一旦獲尋丈之
魚見之者猶挨頸流涎思劫之也而憾不漁屠而况
懷千金之寶抱徑寸之珠吾誠不能筮以決予之疑

鈍賦

鈍者何傷時之鋸也亦自快也

余竊悲機巧之競進兮性靈利而激昂衆倜儻而鑽
刺兮務捷徑以求成勢犬牙苟相軋兮白刃起而相
仇戈戟攢於心肺兮蹈檻穽而靡憂泪余生之頑鈍
兮年逾壯而無能強砥礪而求合兮路亡羊而多岐
退歛掩而脩吾初服兮韜余劍之陸離拂靈鏑之
齟兮吾什襲而猶恐露之喟時俗之反覆兮常寶偽
而棄真斥莫邪使不御兮挈鉉刀而自珍吾縱有湛
盧與龍泉兮反孤立而危懼按明月之玉環兮塵星
斗使不露覽徃古誰不然兮吾又何怨乎今之遭余
常恠范蠡之用鉗兮末見幾而逃彼種與胥豈乏利
刃兮竟爲主之仇讎故木以直見伐兮樗以屈曲保

全故銳者先剗兮吾蓋幸毛遂之脫身鬱侘係余拂
抑兮退且焉礪吾初質索白茅而構菴兮斲桂杉而
爲室悶踽踽以潛處兮情蹇產而晝一閱跼踖以後
時兮寂蒙滕而藏密余以徃哲爲冶兮以隱子爲模
鎔禮樂以爲銛兮淬仁義而內媿進既匪我顛兮又
何必昭此鋒也憺徜徉以徃來兮聊秣吾之駿驪策
驚駘而追騏驥兮余故知路之遼遠按六轡而遊康
莊兮亦何必逞羊腸與九坂舍余駟於丘之旁兮又
捐刃乎水裔準閉戶而削迹兮效完身而遠害惟山
路之巔嶮兮叢篁鬱而蔽天物過盛而易質兮勢阨
危而必顛吾寧楞騰屋簌蒙詬笑兮不顧爲文錦之

犧牛寧與蹇驢齊軌埋沒于塵土兮終不與凡馬而
競先

思賦

有子不及見其成立爲子生無以養死無以葬
仕也無以喪斯二者天下之至悲也思者已生
者思兀然黯然於乎駱子胡以塞汝悲於是爲
駱子作思賦賦曰

慨予生之眇眇兮塊獨處此遐域誦往昔以自憐兮
淚交下而橫臆登峻極以領望兮慨江路之漫漫思
井隴之萎絕兮顛矯舉而無翰山岠岬以蔽目兮浮
雲又互而四馳詔鳴鳥以詒訊兮歛高騫而過之託

先人之餘蔭兮踵高躅於英哲勉策名以副實兮懼
前脩爲之半輟入文祠以華屋兮出結駟之翩翩慟
夜臺之既扃兮杳冥冥而重泉攬疆土之殊異兮睇
江鄉之墓阡米予莫之負兮木兮風而夕厲悒怛怛
以不寐兮標拊膺而歎歎哀故山之遼遼兮湖汙汙
而海波隴荆榛之弗治兮枯荻積而寒莎霜露既披
此梧楸兮迺又申之以飈颺猿夜鳴以慘心兮鴻鴈
南而冰雪冰雪予既弗堪兮豺狼又怒而當路然萋
斐之易眩兮蹇隱憂而誰訴恫愠愉以中結兮氣氤
氳而內煎耿緜聯而靡絕兮鬱於邑而若牽怒臯牢
而若饑兮若皇皇求而未得食俵俵而罔甘兮寢輾

轉而反側步踽踽而有望兮坐默默而自語優禔禔
而有聞兮肅容聲之接予亂曰綬我思成神之利隆
爾遐福天之畀孝子不匱賢之嗣

述征賦

正德四年夏五月北行作

仲夏赫炎兮草木畢揭鞮縲赴徵兮夜發梁國抑情
順志兮強食自解亂沅渡河兮忽焉而寤所以憤恨
揮霍兮中情苑而內傷明星散而交加兮翩冥冥吾
以行躓衆芳而橫涕兮莽皇皇莫知所投曷噉杲杲
方上進兮雲披離而蔽之飄風盪而曾波兮湖水擎
而震盪慨川廣而難越兮朝余翱翔乎河上既沙衛

以奔驚兮又逾淇而渡漳去故鄉以就遠兮露余襟
兮浪浪山峻高而造天兮又陰晦而多雨觀蘊蟲之
相搏兮恫於邑汗又交下哀人命之有當兮禍福杳
其無門孰非義之可蹈兮焉作忠而顧身余獨恠夫
蹇博之罹患兮親好脩而逢殆箕子狂而悲歌兮彼
比于固以蒞醢觀前世誰不然兮矧吾懷愆而造尤
聊周張以嬋媛兮蓋不忍此心之常愁涉湯陰余愴
恍兮乃又瞻茲羸里鄂廟屹而傍路兮駟超軼而過
止懷誠有離慙兮任道有承充侍中顛隕兮扁鵲被
劉專惟君而邁殃兮眩吾不知其何謂極終古而長
憤兮羗炯炯其猶未昧翼縣縣之無聊兮耿耿莫

知所騁憂悄悄之悶脊兮歷山川余弗省跡有隱而
難察兮物有微而先彰負蚊蟲以抗山兮固切人之
未量欲結言以自明兮拙而莫之謀也將曾舉以遠
群兮又絆而莫之能也經溝瀆吾不悅兮亦何必爲
此行也謇相羊以俟至今兮莫好脩之證也路遼遠之
喬喬兮埃風旋而簸揚煙液蒸而練練兮夕吾次于
沱陽嶺弗曲以歛容兮原暖暍而塘塲風草剡而冥
冥兮狼狸號而夜鳴指黃昏以爲期兮駢駢又夜
行曰雷霆不可玩兮孰刑人而不戒悲轅馬之喘噓
兮常十策而九退朝檻木末之清風兮夕瞻明月指
列星我既處幽羗誰告兮魂中夜之營營欲展詩以

效志兮又恐增愆而倍尤衆聚觀而潛評兮或掩淚
爲予乎淹留予朝餐中山之初蕨兮暮挈易之香菴
睇北山而不見兮彼南州又藐焉而弗予睹氣怍怍
而絪結兮心緯繡而弗怡紛流日以相觀兮見金臺
之崔嵬軫雄虹之迅光兮愾烏白與馬角燕昭既劇
該輔兮厥躬亡而國削何秦嬴之虎視兮厥二世以
不祿固盈虛之環沓兮春秋奄其代續自前代乃已
然兮吾又何怨乎人心雜亂反覆豈畢竟兮由邃古
而至今重曰隆隆三伏鑠金石兮如羹如沸行路喙
兮道思作誦軫爾類兮南有喬木不可以憇兮念我
徂征日顛顛兮含精內蝕世莫可說兮亂曰已矣哉

鳳鳥之不時與燕雀類兮橫海之鯨固不爲螻蟻制
兮誠解三面之網吾寧溘死于道路而不悔兮

省愆賦

伊余幼好此騏驥兮服偃蹇以驕驚載銜轡而周流
兮耿既得此中路余謂秉質苟固兮謂蘭蕙介而過
疑援鳴鳩使爲理兮仰高舉而並馳既婞直而不豫
兮又任怨而于倅固群吠之難犯兮每沾危而弗懼
余豈不知燒燒者之寡完兮羗堅忍而弗懲驟諫誣
以離尤兮奔飄風之相仍交不深而易絕兮儵中道
而改度媒阻絕之不通兮焉孰導余以前路放子喏
而掩涕兮逐臣去而不還紆鬱邑以屈抑兮恐日薄

於西山浮洋洋余焉極兮濫透移而游滯相曹梁之
廢墟兮攬長河之緒風信孔樂非我顧兮望北嶺而
歔歔效桃鳥以自珍兮邁羅網之不意憐赫夏以桎
梏兮雷無雲而晝鳴愍棘扉之卑惡兮夜不見月與
星吾聞湯文遭繫兮豈其博脩之故惟鄙人之不蔡
兮固宜蒙詬而逢怒步庭堦而遙望兮宮殿鬱而槩
天顧傲志之無路兮倚北戶而嬋媛觀炎焮之塌埃
兮地沮洳又蕪穢哭與哭之相聞兮對飲食而不能
下怨長日而望夜兮夜明闇又若歲蚊蠅伺人以唐
笏兮鼠登牀而鳴逝恹恹余隱軫兮哀民生之多
嶺數惟萬變豈其可槩兮孰澳恣而不踰援往聖以

爲程兮按余志且焉止戢夢忽乎余上征兮魂浮游
之逖逖過太儀叩天闈兮捫白榆之歷歷進不入以
遭迴兮退余將覽夫下土馮玄雲以相羊兮洵極樂
而無所撫辰星以攄虜兮據雄虹而降觀飲積清之
浮涼兮依北斗而浩歎何民生之錯雜兮紛既有此
多難心猶豫而內訟兮悔有目之不見寤周覽以增
歎兮塊獨處此幽域鷓鴣萃而翔舞兮鳳鳥饑而夜
食衆輟咨以自媚兮焉誰察余之慢慢閔芳華之需
落兮秋風至而改期颼蕭颼以摧容兮天淫淫又陰
雨幽屋破而下淋兮牀一夜而十徙柄蘊愉以省故
兮冀一見之不可得日昧昧以將入兮掩衾裯而太

息惜余年之強壯兮常坎軻而滯留憐鬢黧之漸變
兮恐芳草爲之先秋情有感而難忘兮性有紕而不
釋念昔者之周渥兮孰堅忍而拋擲閔紆壹以恫贅
兮竊陳詩以自抒懼言弱而道阻兮怕潛隱而思慮

宜歸賦

正德九年是歲甲戌厥月辛未臣以居官無狀
得蒙寬譴罷歸迺作宜歸之賦其詞曰

昭浮清以覆育兮北斗平均而酌時螽蛄微細而先
秋兮水知寒而流澌疾余生之蠢持兮性重剛而習
坎吾旣倖直獲斯厲兮孰復訟心於顛顛悲群志之
詭異兮怕忌勝而營已與已好則曰好兮恐憐蛾眉

而攻毀繫聖人無小大兮吾聞大道以天下爲公彼
黨同以掩飾兮擊非俦而謂忠惟古人之醜僞兮逆
四夷而投北胡兮士之焚穢兮廉之則云伐德帝板
板以遼寥兮九天立而雲征滄汶汶以瀕夢兮豈察
詳而悉情滂澄清厥躬殆兮原靡豫而遭放羨余焉
獲茲嘉聞兮詔冠帶以流浪晨靈雨以揚楫兮溯江
漢之滔滔背朱明之游颺兮面長庚而北道瞥九江
余習儵兮超大別而逾迅介夢澤以洋洋兮風洶郢
以遵順宵認參鼎兮晝諦波濤痛定思痛兮癩前車
而內忉衆乖滑以善憎兮嚙脊嗒而背訛諭妩妩以
朋附兮瑣刺齧而陽給艷余惡以披離兮矯九仞之

翮翮趨溷悶以孤變兮巢雲柯之蔽非彼叢噪以側
昨兮含沙射而伺予夥千百以致一兮標寤言而誰
語陋嗶吽之僞態兮誇偃倻唯唯趨趨生揆直俾之
曲兮民炎門礮而肉魚股血膏以日富兮佯減儉以
豪素哀屢人之填寡兮彼醜鮮袒而號呼心與迹旣
我逆兮焉飲食之逞寧積粉飾之亂姣兮疇知余結
駟而懣膺時鏢金之冰鬚兮吏抱牒環而相勿汗簌
簌以零案兮風薄肌之瑟瑟柄潰澮以煩攔兮念偃
仰之不可得報束帶以例趨兮衷眩戰而狐惑徒文
繡之外彪兮內棘戟其誰知思玩慢以整遷兮則又
懼素餐而神災吾寧轟烈劣撤與世選兮良不忍訛

一
卷
九
行東山
破齷齪與草木而塵埃惟代謝之飄忽兮慨頽跖逝
而黃丘究萬變以定命兮孰長存而竟留懲夙昔以
質行兮吾幸夫前路之尚脩余指日月之顯隅兮廻
巖阿而槃考徙桑若以敷蔭兮移蒿華而分島仰峯
寧之嶽岑兮俯泉瀨之礚礚穆宥助以潛處兮探理
窟之英邃合性命而詵一之兮周覽陰陽之轉圜橫
宇宙以長觀兮驗妙門之玄玄混沌及而天地覆兮
堯桀泯而誰分篤述作以強志兮吾豈願來者之盡
聞

緒寓賦

炎炎赫赫歲闋茂兮舟西鷺而逆流途路艱阻渺以

浩兮邁皇天之昧幽涉襄樊而濡滯兮時寒涼而雨
霖水洶洶以震堤兮勢擊盪而崩淫龜告我以茲食
匪兮望舊鄉壻馬洪濤伊誰詒斯跋濤兮悒憖瞽而
申切柏陽日之既冬兮爰諏吉而載牽駟牡既秣余
遭遘兮躋廢城之曲齷咎品形之流易兮賦吾性乎
消急進退拂以奔波兮名與德之不立惟騶驥置之
椰間兮固貍馳之蔑如執成敗以律之兮彼亮飛出
而誠愚既矢夫捐身以酬知孰暇計完名而保軀愧
世人之善誨兮謂吾皇皇而求家尼聖尚有茲鄭門
兮矧吾庸鄙而過頗顧鹿山以凝眸兮壯江漢之繹
繹跡與心胡之偁兮精連連而靡懌效抽辭以閱還

今醜漢道之陵夷偉龍卧以消息兮逢三顧而有爲
往者吾不及之兮來者吾靡量苟得喪匪厥命兮曾
賢智之盡庸嘗周章以游志兮北風颺戾而蕭條望
原野之滌々兮薰臭奄而並燒善踽踽以奚恃兮憤
壅蔽皎然莫聞肆矯情以迷浪兮戲康莊而隱身重
曰陟樊城以還顧兮極南陽之永旣氣蔚鬱以騰攄
兮星辰烱而下連慷慨者多歲兮恒循蹟而嘯吟盼
白河之蒸雲兮倭中原之勁風天靈靈以翳翳兮白
日掩而西匿繫人生之幾何兮汲毀譽而縈臆

寄兒賦

正德七年秋兒枝以離思賦來獻余則作此寄

焉亦教之焉

鳥来自北兮銜章進辭開緘覽意兮閱爾峻思賦曰
風孀孀以先秋兮百卉改而動容時序莽其流易兮
塊余猶獨處此異江地卑濕而蕪陋兮孤俵俵而寡
仇愾直路之蓬蒿兮網紀懷而不脩惟彼人之嬛巧
兮謹灼灼以先意衆瀾倒而莫之支兮昭余志之獨
異陟匡廬以凝盼兮眺江介之孤城山合馭以迎目
兮清雲曳而前征愴荆吳之渺漫兮波水淩而交逝
瞻梁豫之逖逖兮情愴怛而濡滯日晡晚以旣夕兮
塵埃溘而蔽天後車載路而班班白觀旗旒之翩翩
悲時世之艱難兮詢亂離而爭奪兄嗟弟而殷憂兮

軫汝曹之飢渴終風霾而四流兮冬不雪至於三月
春遲遲以方陽兮民背鄉而顛越揮耒耜而介冑之
兮青草錯而白骨鬱余懷以遭廻兮紛涕零兮如霰
帆彭蠡以浮游兮天地炁其方旦齊吳榜以前艖兮
聊擊汰而容與余朝歷石壁之嶢嶢兮暮泊陽禽之
渚登隄岸以遼顧兮深林黜馬杳冥虎豹舔談以伺
人兮群狐狸而晝行哀死亡而無告兮橫屍蔽而臭
野斯固易懲兮彼益復耽夫刀努惟以暴除暴兮斯
亂與亂相尋苟威信之靡忱兮吾慮夫降叛之詭心
宵攬衣以興嘆兮步明月於中庭挹河漢之回光兮
數北斗之朗星衝飈第以驚帷兮熠燿乱而當戶華

何秋而弗零兮木何蠹而罔朽上智者先幾兮厥邦
保之未危何白日之初照兮浮雲起而翳之王與石
豈難辨兮亦司者之罔察也鈍超軼以先銛兮胡朱
之不可奪也贅煩婪以蹇剗兮步高城以散眸誦昔
者之怡豫兮內怵惕之無聊駐余馬于梁之臺兮又
逍遙乎大堤睨嵩岑之峻極兮覽長河之逶迤慨伊
阻之自貽兮汝隔離而弗覲余匪貪厥好爵兮胡匏
繫而不適江洶洶以夕變兮木葉下而海波召飛鳥
以詒言兮訓爾音而永歌歌曰訶瀕洞以溷浊兮時
嶮艱而路危羨龍蛇之伸屈兮傾哲賢之順時孔桴
海而曾思兮伯陽西而流沙效梅生於吳市兮顛抽

身而舉遐奉前德以創則兮肇孫謀而奠家

侯軒子賦

衆躁趨以幸成兮全踰夷而競先溷勸勦以徑捷兮
卒隕已而弗悛彼靜者以天動兮謂定者非我能逃
恒謙守而需抱兮懼逆時而違尤体孔言以居易兮
遵孟訓而行法謂非侯余何求兮爰名軒而省察軒
吾罔徒處兮名吾敢袞取譬涉川而戒維楫兮聊待
時乎吾容與夫桃李不能秋以英兮桂菊春而豈華
彼萬物時不然兮乃欲速吾謂何吾討典籍以娛日
兮探性命之幽蹟冀河清之有期兮幸耀靈茲而未
夕苟積久而淹貫兮又奚窮達崇卑之足掛臆

竹石賦

有杏者篠叢彼阿徙置得地櫛以華托根靈石發生
直翕飈佛樓翠風閣長竿儼儼翼紛若截爲雙簫雛
鳳鳴任心吹之靈霧生乘鸞挈友騰烟霧餐霞戲委
永無慮中虛乞直性介固

空同先生集卷第二

賦

送河東公賦

弔康王城賦

弔鸚鵡洲賦

汎彭蠡賦

泊雲夢賦

賦一十首

送河東公賦

北郡李夢陽撰

弔申徒狄賦

弔于廟賦

哀郢賦

觀瀑布賦

漢濱賦

正德元年冬十月河東公以譴放還屬吏郎中

李其作賦送馬賦曰

飄蕭瑟以感烈兮屬孟月之慄嚴霜淒清以紛下兮
風薄戶而竅吟余戒玄武使先導兮飭冥子俾抗旌
虬蜿蜿以服輿兮第長雲而遂征三台及以踈闊兮
北斗揭而望余颯肅冷以溲戾兮涉江漢之清渚悼
喉舌厥之厉兮攬少微而效光咎南箕之靡懲兮猶
翕吐而簸張朝余筮于星之墟兮暮弭節乎冀之野
谿谷捌以復陸兮草木落而茫莽獸驚人之跽竄兮
禽枯桑而鳴號雪霰海而零灑兮氣泠泠之寥寥車
輪困而不前兮心已逝而中留驂頓纓而蹶躡兮僕
夫涕而長吁惟先生之貞嫺兮幼崇方而嗜脩則英

賢之遺獲兮志臯伊而願抗蹠秦階以承列兮奉鈞
陳而布耀酌元氣而執之兮冀密光之必照倚閭闔
以徘徊兮憤漢臣嘗請乎刀壯埋輪之義力兮潛掩
涕而憾遭惟封豕之窞窞兮彼舍問夫螻蟻豺狼縱
之當達兮奈衆孫而終靡哉不密固害成兮予良痛
乎陳竇之患斬蛇弗斷將自及兮誰捋虎鬚而竟安
曾闔仡仡之巖巖兮淫雲蔽而四舉玄螭九首螭蜒
垂涎兮守門嚙嚙而目余進既無以自明兮湏弗知
其退之所營紛構誹以錫訕兮謂余亟之而亂程吾
豈不知詭遇者易獲乎誠嬖奚之攸耻同者就而異
者債兮孰孤持而弗三褫策鴈行以前路兮背陰朔

之塞疆馬騰攄以龍奮兮望山西之夕陽毅昌燕而
卒逃兮叔向飛語而拘纏荷白日之曲照兮迺茲焉
及余初服太行吟之迤邐兮岳壤盧而起伏踐桑乾
之崦凌兮冒涿霧之綽約爰十步而九顧兮九門嘯
而造天霓連蜷以上驟兮爛躔緯之錯連軫紫庭之
多麗兮冠珮者至三千人步微風之珊珊娥眉入室
女斯妬兮厥亦世之故也寵移者誓必加兮矧吾皓
首之怒也企降覽之中反兮又鮮妣爲余之容思伊
昔之來墜兮內崩剝而自訟沿易濱以不于兮泝金
臺兮遭遭慨於期之皎節兮鄙荆氏之沉志謂圖窮
而事至今冀甚贖而必擒謀之人成之天兮竟墮首

而劇心哀壯士之不還兮躡殘壘而逍遙野曠上之
千里兮寒風唳而蕭蕭天剡剡以臬罕兮日翳七而
荒涼薄林壑之慘闇兮拂隆冰之積霜聆頑鳴以怵
慄兮惛岬岬之荒物川蕩搏之赤赤兮馳羸窟而嘈
聒精汜濫之佚佚兮驪連逖而懈怠召豐隆翊余蓋
兮喝飛廉而疾馳揚滹沱之文舩兮驟井陘而單騎
偉左車之雄視兮唾陳餘之褊意張生旣收厥綬兮
趙由之其邦以喪陳子獵于南皮兮漢龍興而虎翔
惟休咎係之數兮大風起而潰圍苟增老不之疑兮
豈張韓之獲爲彼荏苒固膠合兮孰鯁直而罔殆展
氏介而三黜兮遽瑗奔而再危踰壽徐以橫目兮次

拜州之舊鄉亘墟曲之茨菰兮采茹慮於汾旁霍岳
岳以迎幟兮桂樹偃蹇而俟余狎斑豹于崑際兮鈞
淪淵之秀魚準歲功以消息兮御陰陽以卷舒追赤
松以授要兮從巫咸而卜居亂曰明明日月奠天維
兮太陰四塞孰將夷兮陟彼寥谷望河漢兮上無舟
梁眇滌漫兮嗟我寡翼安能厉兮顧瞻北斗中心惻
兮授兮憐兮聊以卒歲兮

弔申徒狄賦

申徒狄諫紂不聽乃負石沉河而死

覽洪河之吐噏兮洶欲濟而無杭物有離而不回兮
勢有激而難當劇厥人之執行兮羗自沉而弗疑恬

齋志以長畢兮庶聞者其猶悟之彌六合以設弋兮
鷲鳥騰而不反蛟龍沕以避害兮惟恐去之弗遠不
吾知其亦已兮何荃之忽焉而莫斯睹監四方以求
索兮孰聘美而釋女曰群汶汶以淆濁兮班予馬莫
之適也衆披離以障之兮又入而莫之白也進惴惴
余瞿遽兮固不若死之爲安寧負石以葬河魚之腹
孰忍利蓄而盤桓竭誠信以諫君兮反罪過又謂欺
惟堅僻之類忠兮任飛廉而不疑余固知佞媚之能
周兮碎秉質莫之移也介塊處而無營兮又衆人之
所哈也既謂千爲忠兮胡又附雷開與惡來既曰切
人徼兮曷不委曲而導之悲時俗之顛倒兮先生獨

李商隱集卷二
四
遭遇乎此時燕雀烏鵲噪堂堦兮鸞鳳出而見麼曩
余知材朴之爲崇兮迺強而不謂之信然苟作善降
之祥兮彼梅伯又何以顛捐規矩以改錯兮斯固時
之態也荃旣與彭咸齊名兮亦何必怨此害也鬱終
古其侘傺兮贅悒悒之不可平循隋岸以遭迴兮戒
艸船余怍營泝河流以投辭兮氣紆結而填臆慨往
后之迷誤兮社稷顛而用屋重曰昔有大夫曰申徒
兮懷瑾弗展負石投河兮寃抑內憤靈汎濫兮湍瀨
磕磕愁人心兮忠回倒植固庸態兮嗚呼先生女又
何懟兮伯夷子胥與爾爲類兮

弔康王城賦

趙宋高宗爲康王築此以拒金人

隴側桑以欹根兮飈沙慘日而瀾湧勢斷屬而連大
兮寒蓬卷而翩翩覽靈波之汪洋兮惋九河之善崩
臨决口思前往兮尋北原之故營塹莽沒不可見兮
莽千里兮繁蒿旋風四起埃飛蔽日兮鴈失群之嘈
嘈怒壺鬱余顧懷兮夕駐馬乎河之渚想張韓之旆
旆兮望朱遷之雄壘嗚呼哀哉兮山陵委棄江介是
都登佞黜良兮社稷丘墟宮殿瓦礫兮二聖爲俘嗟
嗟彼何密而茲何仇悞執迷而弗悟兮汚分疆而取
憂

弔于廟賦

正統己巳之變少保公有社稷之功

棟宇頽折兮四顧無垣
鴿雀鳴噪兮雪壅其門
風衝激以拂帷兮慘九州之肅冷
軒長河以飲景兮飛光至而舒靈
何先生遭不造兮定危邦而永存
用才者終固鮮兮孰震滿而完身
顧瞻宋京兮追念雙帝組頸爲虜
兮單馬北逝虎臣視而誰何兮英雄竄而蓬蒿有憤壅蔽而發疽兮亦有垂成而反被劉鳴呼先生成敗難以逆度禍福不可豫謀死苟足以利於國兮洵齏醢而焉求

弔鸚鵡洲賦

承 帝皇之嘉惠兮荷在陋而明揚
信枯楊而再

華兮懼身微而命彰
歲協洽以南驚兮觸炎日之盛陽
浮江漢以長邁兮過夏口之故城
洲蹇產以隄隄兮劃衝江而絕流
覩佳名而中惕兮弔斯人之不脩
我旣佩明月與寶璐何不遂凌世而高步
舍玉駟而不駕兮又奚暇與豺狼而爭路
惟聖人之貴時兮神龍豈人得而縻
彼鸞鳳之謂瑞兮固亦以其高舉而見希
何先生之靈嫺兮獨不深藏而遠游也
倘取方以捐育兮吾恐睿者之所克也
繫炎鼎之旣淪兮世淆濁而崩改
操梟視而虎噬兮祖又貪夫厥土
荃縱不甘心於厥儔兮獨不可色斯舉也
嶢嶢者將必缺兮余固知仇者之不與也
矯吾權以淹留兮情覽望

而增傷靈惝恍而如見兮聆湍瀨之浪浪山壘壘以
來合兮孤墳鬱而嵒嶂誦英篇以沉顧兮痛翠禽之
蚤戕物有以舌羈縛兮人有以才隕身譬用機各攸
當兮恨見幾之不先心屈拂之厄兮翳營營之不
可留沛揚楫以東進兮順武昌而之巖岬以却
視兮投哀些於斯洲

哀郢賦

嵒嶽崎以旁靡兮困京頰之崒嶭隍壘齧而莽沒夕
飈勃興沓兮鬪鞞水鳴叫而巖斬覲敖墳之嶮嶮兮
避莊王之登檢泊石城以盱眙兮望江陵而涕流壯
洞庭之淼淼兮槩江漢之玄洲掩陳蔡之弱郭兮控
荆揚而上游俯灘瀨之淺淺兮傷楚平之破丘伍員
奔吳兮屈生浮湘懷行罔返兮厥民用喪蘭臺肆侈
兮玉差進淫陽春消歇兮黃鳥沾襟陵井塌而狐穴
俾人哀而迄今

汎彭蠡賦

正德六年夏五月李子赴官江西南道彭蠡之

湖作賦曰

仲夏惛惛兮湖水洶湧戒舲舟而逆進兮志定意恐
朝發湖口兮曉石纜牽捨帆午張兮陵急洋而縱船
洪澇吞吐兮杳莫界際炭漫瀆沈神精搖兮浪起伏
而來曳曩余誦夏記與酈經兮識彭蠡而心慕繫厥

水集流夥兮挾十州川而北注合岷江東之爲東江
兮脇揚吳而騰海包敷淺而瀦之兮撼匡廬而使改
惟據巨者附斯衆兮滿之者驟必溢彼何恠弗之潛
兮抑何摧而靡殛射者萬鼓之千兮叢谿壑之湊趨
澎霆崩以箭疾兮勢嶽頽而電舒匪莫究始兮散孰
察其終龍蛇逐之何載兮至今窟而以官祈之錫嘏
兮侮之掇青怒之風雷愉之霽兮亦厥靈之攸逞潮
峯客以脛閩兮倏當晝而忽陰上下旣顛置兮孰又
辨昕昏與北南睇衆山之劔攢兮爭負高而竟降閩
膏麓之淤澱兮奄焉墊而爲江綠木末而巢室兮民
浮居而舳艫悼隻雛之寒嘯兮寂氓濱而守眾亂左

蠡之沸沸兮壯康郎之浩汗濤沃日而明暗兮巒島
滌而渙散瀾已俛而復昂兮渦溢凜而接連瀧無風
以橫飛兮潭澄滄而布漣龍天矯以戲瀨兮粵枿沉
而吹沫芄蚡沕之昧昧兮魚鱉貫而鱗鱗具區洞庭
方余不暇兮懼九圍混而黜冥苟清濁輒其瀕瀕兮
聖愚一而泯靈胡弱草丹而華兮反泓棲而矜彩鳧
茈龍鬚葶蘆蕤菰繁其被汀兮紛振翰而雲駭彼陽
鳥旣逝兮鶻鵠嘻而專已鷁水馬以闖犀兮蛤又濡
珠而曝殼詭殊錯以跳跟兮有曲牙而鹿其角旣逆
鱗而返舌兮復續首而象鼻汙針尾而戟鬚兮族鼉
鼉乎濇濇誰非含生而頽遂睹疆柔之闡濟兮唾陽

李空同全集卷二
侯之懦急縱鱷鼉之恣肆兮甘失職而蔓災虞坤漏
而陸沉兮儵一嘆而三泣賊吸飈而排砂兮時負渚
人立濺雨迸而冠岫兮岸衝樅而壑落詫妖詭之
多態兮魄撼促而心愕瞬兮異靚恍兮變索究之諒
奚以兮聊戢楫而遊淫夕景掣以波下兮石鐘磳礮
而竅吟追三苗之卽叙兮壘文命之訖敷彼九江未
之殷兮余誠憂鬼類之聒呼迺撓人之罔諳兮祠九
晉而再邪愚者吾靡疵兮鄙明賢之用頗景神姦之
勤算兮數歷鉉誰弗竟危魍魎支祈倔強伺問兮淪
臨湖而嘯悲

觀瀑布賦

空炎陽以止暹兮逆敷原之上疆導嶽南而遐陟兮
廓晴流而志揚日旄旄以景旗兮嶰崎嶇乎微行峰
吞吐而迓余兮嵐捍翕而颺路超歸宗以翹盼兮靚
開先之瀑布詮前記而髣髴之兮眩飛空之孤形誦
銀河之逸句兮精陟天而九征挾巖潭以上氣兮接
神漢而並垂積雲左右以傳彩兮霞表裏而秀姿沫
霏霏之晝霧兮崕丹翠滌而蕤蕤光金黛而亘霄兮
浩呼洶之湧湧龍朝帝以潮從兮虹爲梁之總總韡
若華以西曜兮東扶木兮倚明星辰涵而布錯兮岳
瀆影之其中絢練恍惚百恠潛兮勢明晦而無恒睇
之若住忽奔噴兮石雷整而驟崩經香鑪以熨紫兮

破雙劍而冰攢踰黃巖以珠迸兮。籠玉殿而金煙濯
炎女之玄髮兮。苔離根而永生。掛洞宮之冪冪兮。隱
芝箭而懷情。沸混混之爛爛兮。飈瑟瑟而涼風。泉滾
滾而安竭兮。孰尋源而卒窮。怱劃劃以緜紛兮。渥華
顛而分派。水簾谷簾亞之揚兮。靈終古而并戴。巍嶽
吟而上行兮。疑質違而性非。蒙井厥流常兮。譬鍼顛
而血隨。吞日月以膏顏兮。震雲氛之習共翼。江海巨而
昏墊兮。哀趨卑而罔直。體融陰而內陽兮。準坎離而
向背。嚴不蓄類。迺澤物兮。醜彭蠡之汪。穢浮朱鳥之
寒景兮。爭龍騰而攄掣。擊高者韻斯宏兮。谷哨咏而
坤坼。赫翩翩以倏物兮。小鴈蕩而不眠。露霜霾而離

離兮。處遼域而孰知。怒璫罕以思。運兮。石岬略之。惻
惻晴電追之。霆突兮。信駭觀而搖。暗猿纒上以竊窺
兮。倚石鏡而呶嘯。燭焯灼的。燦收兮。類至人之懸
照。肝颯達徠兮。翔太始而留耀。歌曰。造龍池而印之
兮。究瀑布之肇踪。巔湧而壑射兮。誠神靈之攸鍾。轟
邇惑而遐暝兮。壯二儀而永效。磳鬼恠避。鑑鑿兮。微
瀑孰以察逝者之高妙。伊動者必定兮。潭宵沕而淵
壑。礪之灑而寧之清兮。厥金水之共質。乱曰。相彼山
泉。滌瀉澶旋。勿谿朋漣。洵遵科以造海。竟隨流而泯
瀾。覩厥瀑之靈詭。反群詫而背誹。吾苟若天地以遺
聲跡。亦奚暇校高下與狐疑。

泊雲夢賦

將超野猪之湖風西而阻乙丙丁戊兌颶颶
旬餘轉迅問之老人曰此南陽之風也厥陰始
主應諸少陰之方

幼余紛以好覽兮懷長風而浪濤夏匯液之浩浩兮
阻雲夢之逆颶哀南紀之攸墊兮包荆衡之衆山貫
江漢以爲絡兮勢朝宗而播瀾翼潛沱之翩翩兮掖
景陵之峩原吞沔鄂之曾隰兮洗逶迤而滅漉坻岨
岨兮掩翳橫余前兮蒹葭紛而蔽天月重陰以繁雨
兮駭厥鳴爲之先鳴邁大別以悠泝兮邁少陰妬而
用情次大澤之巖陔兮睇風雲之上征惟彼斗酌而

靡均兮縱柔金以嘘吸孤心昏以徒爛兮越西流之
避及覽萬情之翻覆兮爰背坎而向離指朝景以辨
位兮定星辰而訊期極明晦之變態兮盡洋洋之淫
淫倚舲牕以凝睇兮數周圍之峻岑勤伯禹之土又
坤維奠而至今情潢混以無依兮聊唁昔而周章慨
五湖之見幾兮詠孺音於滄浪胡洞庭之險塹兮三
苗區而蕪滅舳艦蔽江以來下兮孰攘也而非衣食
往者旣不可追兮吾寧俟時而矯心掇陽潛之文具
兮采芳芷於漢濤龍擾余以負舫兮珠夜游而光吐
憑烈性之難抑兮淚浪滾隕而思古誦曰昔有郊郢
厥惟楚都實邊雲夢百雉其郭何材弗殖寶玉明錯

魚鱉麋鹿於物訐訐麇麇甫甫齒革毛角有茜有聖
各以類積礧礧岳岳服食之屬芋臬絲葛甘鹽苦酢
靈餌珍藥觶弩勁籛犀甲狼毒王府充溢宮室棺槨
商旅沓至貿遷繹繹漁牧諧足鳴琴巷鄂國以富強
鞭撻晉秦挾鄭狩獵出入二藪旌旗千里戈船璘玢
金銀璨璀條坤忽閃獸柴鳥墜追者稱善後王何道
游閑靡返懷沙奮辭邦墟憐惋

漢濱賦

余過解佩灘憶交甫遇女之事於心感焉作漢
濱賦

夫何二女之頎麗兮遵蘭皋而並翔順微風以嚮顧

曳文袿而交揚躡雲鬱之華履皎羅襪以雙步凌漢
潭之漭波掇瑤草於芳露態姝媿以窈窕情同嬉而
中乖超灼灼以齊赴忽含顰而怨偕眉疑低而復申
唇欲啓而羞面嗟巧笑以回眸目盈盈以流盼翩兮
驚鴻恍若裊電仰西方之纖月悵邂逅於嘉夕足將
移以躑躅魂已逝而聿役乍多露於蔓草矩漢廣之
貞游戒有祭之奔密慕娥英於湘流揮柔袂以掩涕
寄朋素於明璫效雞鳴之贈珮厉霜心於鮫光倏潛
耀以莫覲抚衝飈以懷形睇征雲以西迅裊飄芬而
淚零面三星以申詠痗朝陽於晉疾伊綢繆之幸諒
詎穀焉而同室

空同先生集卷第三

賦一十五首

放龜賦

河中書院賦

感音賦

鳴鶴應鐘賦

惡鳥賦

螺杯賦

水車賦

冬遊賦

北郡李夢陽撰

大復山賦

朱槿賦

嚏賦

觀禁中落葉賦

鵲賦

貢禽賦

四友亭賦

賦一十五首

放龜賦

畜有二龜李坪驛俯長江之流目兌育之溶溶
怛然有傷於二物復思趙并放龜事千載同懷
爰放二龜於江潭已作斯賦比與諸義聊抒鬱
志非諷一而勸百者擬也喻兒子亦作

精網緼以游魂兮各含和而構形何茲物之詭異兮
獨神超而蘊靈準麟鳳之隱見兮呼吸陰陽而卷舒
善伸縮以遠患兮匹神龍而水居嘆賦命之多蹇兮
遇且網而見執蒙君子之珍視兮戒航舟而並畜仁
人細弗棄兮迺伊欽余之素貞曰雕籠豈林游若兮

爰偉賢哲而用情譬機羈之頽脫兮慮曳尾及而遲
暮俯洪波以余縱兮瞪長江而徑步歌曰醜混混以
流形兮孰厥龜而副嘉外負介以昭武兮內文柔而
靜遐体穹窿以則乾兮履坤方而祛慝鄙饕餮之諛
世兮寧吞浮而飲息沐澄泠以棲寂兮戢潭荷而保
身文於列以布象兮色蒼古而玢璘景至人之赴義
兮將剗中以效誠怨稷卨之靡諧兮懼捐軀而莫明
賡歌曰江滔滔以東下兮蒹葭莽而波濤幸已縻而
終逝兮劃順泛而長逃念曩昔以中惕兮數惟拘縱
之所殊思范楫以依徙兮願附孔而海桴鳥故林以
悲鳴兮獸踣躅於前丘軫宿秦以迴透兮躍溲溲而

涕流亂曰聖欽元龜戒朶願兮十朋四靈榮以時兮
淵潛罔洩出斯縻兮求仁見夢厥無惑兮剗腸灼鱗
爰奚益兮謚兮麗兮齊天地徜徉兮

大復山賦

夫大復山者荆徼之名山淮實出焉淮過桐柏
始著於是禹道淮桐栢始淮山二精發於何生
產諸申陽何生於是自稱大復子實非遺淮要
有攸先焉耳余珍其人爰造斯賦不煩諦瑣義
意畢矣然辭猥調邇知音君子諒有譏焉或曰
此山胎簪亦其名云

噫吁戲厥山峻崛岉兮填鴻龐而導九川爾其巖巒

隄隄崆嶺巍聳增崑重峯合畚蔽日曲勃焉安連巖
巖而棧棧迺有危焉七十軌岵岳岳靖嶼岵岵松柏
蒙焉千里望之螭蜒飛飛兮若闔龍之附於天也頽
而察之萬山駢戢劍森戟攢爛若踴蓮下則無底之
谷呬坤維而曳玄淵昔盤古氏作茲焉用宅是以濁
清判三紀揭頽洞開明劃日月厥山旣形餘乃發故
爾上冠星精下管地絡聚膏以爲崇滲津以成川竅
若浮肺萬谷鼻旋神瀑湧焉飛流崩嵯走壑蹴石噴
雪釘鐘確碎鏗錡迅霆擊虹震于太空若其勢磅礴
逆折狀若胎簪嵩管殿其北荆沔包其南右標熊耳
之嶺左朝桐栢之山其陰則凝冰積雪晦明倏忽翠

篠丹澤其陽遊颺吸歛重黎攸宮東有日華之林陽
榮之風西則涼霏素露淒淒清珠樹粲英若爾材
林浮雲寶藏蕃興騰氣簸氛至其觸膚寸而起也櫺
欏乎波駭山靡不終朝而天下雨也於是生人立禽
獸伏草木殖靈芝秀宮闕醴泉噴其側於上則神鵠
威鳳翱翔吸甘華百鳥從之振翰若雲中有玄熊綠
罷騶虞游麟猿猴麋麇百千爲群樵採牧獵之子唱
歌出林響振峽谷咸蹶躡迸逸不見踪跡於下則長
淮發源配天廸坤混混汙汙江河並尊受珪上帝䟽
穢錫存乃有新靈丐禧梯航而來沉玉瘞璧闔塞路
達若爾幽崑之栖真兮三三兩兩御颺轂抗霓旌左

控向鹿右翳紫篁嫺兮若將逝邐延立迴風淹留兮
攀林薄逍遙兮山中於是稱曰春草兮萋萋思公子
兮傷悲君處叢篁兮終幽險虎豹暮咆兮蛇虺舔燄
公子兮歸來雲冥冥兮石瀨潺潺

河中書院賦

鄉人呂氏以諫官謫蒲蒲故有廟娥眉側祠太
山也呂至移文廢焉曰山川之神祭不踰境非
鬼而祭孔門譎之某職叨佐邦靡敢弗經也以
問其守守曰敢不惟程問之校校官若士曰程
敢不承察諸民民翁翁欣若有興也於是廢其
廟稱書院焉而祠有虞氏於內曰蒲舜都也配

以夷齊從以王薛左之名宦右之鄉賢量宇聚
徒區田祀養考鐘伐鼓視履迪崇李子聞之曰
善哉呂氏知教本矣夫驅邪以端拔恠以常伐
慝以昭破淫以義是故君子之於邦也不患不
從而患弗躬躬義布昭敷常表端以是而教鮮
不率矣何也四者其本也然又斷之以獨協之
以同行之以勇迺彙往不濟矣夫淫祠罔福故
鐘巫禍隱神降亡虜往鑿具爛然河投娶婦祠
毀妬女世每罕開何也怯者怵于利害疑者沮
于異同庸者安于習俗才者憚於故格故曰非
勇何行非同何助非斷何成三者既獲西本迺

立然後經定程堅教斯興矣是故君子不爭而
醜莫不同不煩而衆莫不從標立而影隨近聲
而遠應凡以是爾李子曰余爲呂作賦將以比
音擗調泛絃流管俾大者歌小者哦觀者采焉
陳之太師爰知蒲政賦曰

帝炎氏之蟬聯兮厥岳四而布分龍九川以蘊根兮
中敷葉而竟芬翊華蓋以陟降兮遘白日之旣夕忿
攬槍以杭言兮帝乃怒而遐斥攬余轡以周游兮登
蛾眉而縱觀睇魏廟而增欵兮慨下淫而上殘曰巖
巖魯所瞻兮嗒胡爲乎蒲之壤非其鬼而祭之諂兮
曾謂泰山不如林放惟時俗之詭譎兮恒造恠而亂

真日隱求以僥福兮徂惑群而誤民宇巖嶸以嶽立
兮岩廊翼而雲構既竊號以據要兮復創形以之鑄
鏤內泥直而樗惡兮外猙獰而儼嚴冒衣冠而土食
兮燁朱楹而繡簾龍蚴蟠以梁騰兮獸夾隅兮躩昵
鈴荅臘以簷鳴兮帟續紛而旖旎執命柄以消息兮
握陰陽而運樞怒之雷霆悅春陽兮役鬼神與豹貍
生吾生而死吾死兮謂苦樂死而遽殊苦極枯以儻
憇兮樂羽葆而駟輿衆駭心以播目兮伊誰辨渠之
假真民溷溷以朋從兮憧情迷而喪身蹇予予以攬
涕兮哀斯人之無知軫聖者之故都兮蓬蒿鞠而徑
岐山四雲以波湧兮日晚晚而就沉河洶洶以趨下

兮松柏暮而風吟班余馬以比晉兮望九天而魂征
招飛虬駟而上訴兮閭闔闐而晝扃余回駕以東指
兮薄日觀而聊憇願釋誣以祛穢兮岱謝余以弗哲
沛蒼野以遼邁兮即重華而跼蹙靈總總以騰陟兮
瀾北逝而後先臨舊京以遭延兮倏若去而中留颺
拂巘以明滅兮右涉瀨而夷猶掃除兮蕩滌清宮兮
供張風泠泠兮入牖神陸離兮果降羅桂漿兮椒食
琴瑟作兮鏘佩玉况彷彿兮莫親工祝告我兮顯則
曰俗不可戶說道不可塗求端物者端已治人者至
修二氣推盪禍福倚伏時罔常泰日中乃昃王革以
義霸救以力巡守廢歇明堂載黜爾乃七十二君封

禪侈矜玉符金檢顛峩是登夫習沿於襲勢積於成
昭縮以獨愚淪以朋踰分之祀匪今則承立經并妄
言諄志勤爰惟政本氓哉爾欣

朱槿賦

司陽兮煽烈涉秋兮逾熾覽逝兮中蘊游物兮揄志
躋庭木之榮麗閔含芳之不脩傾朝曦以擢華夕景
至而隕枯伊賦形之靡移諒天道而奚私幸見標於
哲典厥登詠於刪詩何有性而易遷怕隨所而盤據
條荏苒而孔弱葉繁陰而繁布蒙薰風之拂披爰脩
妍而運縹既抽鉛以剖絳遂希芬而效馥濡溥露以
膏韻藉垂光於杲日熨炎陽之靜彩褰絕代之英質

態疑層而遽損媚若斂而復出光飄灼而靡定恍若
流霞過茂草爛若慶雲遊春沿宛戀窈窕狎縹緲
或爾托文堂之隙寓奉君子之榮輝側未陞以敷蔭
競葵榴於赤墀屈纖枝於皓腕徵瓠齒而清歌嘆形
微而寵重屢回笑而增醜天暮日夕頽銷華落辭高
墊卑飄蕪汎濁盪塵池緯撲簾續慎或委空曲或飛
土直颭叢迴波蹂踏坐隅觴停鐙昏玉倦客煩烏獲
無序折釵碾鈿几席獲籍命駕歸旋於是棄媵擯嬙
愁女怨姬出幽房步苔階搖金局吟殿月掩團扇而
涕零徙長門而望闕攀斯木以凝盼掇寶萼而中熱
足將進而踟躕立長廊之肅陰軫蘭臺而脊疾咎增

李公同全集 三卷
城而痛襟思恟恍以攢內泗交頸而淫淫嗟容色之
難恃慨懽懽而異管佩薰芳以順委庶生榮而沒寧

感音賦

夕杪春之嘉月羨桃李之芳陰躡飛陛之微霜仰天
漢之橫參切逸弄而駭顧識六孔之流音起於綠波
之濱翔乎綺旒之林芊緜乎縹緲放肆而續紛激擗
軒過行雲遶迴風以中絕鬱哽咽而斷續詳乍浮而
至沉度情回而思曲積憤迅發金鐵齊鳴壯士怒而
髮豎若石裂而崩驚逐臣嘆而孑于孤子呻而竊憐
爰抑節以徐訴信悠怨而誰宜類慕仇之隻禽振山
危而海深離虬舞而不持嫠婦婦而夜吟託黃鐘以

根奏旋少陰而寂寥衆淹泣而不忍精慘惻而魂銷
思躡跡以寄懽軫天路之昏之苟浮雲之足攀頭假
翼而申約誦春陽以增款懷外調而鍼心情氤氳以
中結神恍惚而外姪外淫兮躑躅若臨水兮將別遵
天路以翱翔摻垂條而采折期布志於情親懼馨香
之易以詠落梅以自明幸傾筐之在挈誠蘭質之見
珍畢余身以長訣

尚簡笑嚏賦

人秉陰陽皮毛肺兮六淫相薄風斯嚏兮彼我牽念
嚏亦至兮靈往精徙固以類兮遂臣兮汪濱放子兮
辭彊思鬱抑兮內結嚴飈慘而肌傷懇懷沙於夕風

履中野之晨霜涕噴迅而染鼻洩交頸而浪浪疾有
幸而甘心情有離而中還咲終風以踟躕爰託声於
頤言步巉殿之蕪苔曳迴颺而影旋幸回光而一嘆
倘顧笑而申懽痛華絲兮衆進懼黃裳而永捐

鳴鶴應鐘賦

惟懸金之奏響或宣晨而報夕既朋趨以典列爰計
晷而旋服何茲禽之抱慧矯圓吭而振羽驤回颺以
行衍歧浮雲而望蒼應昕昏以弘咲暢幽積于清吟
衆喧闐以畢日孰詳忱而撫音步踈擬以延志歷堂
陰而俛咏怨情遐而跡尽恐霜儀之永濁豈余居之
未擇諒時命之靡齊悵玄圃以孤逝匹文鸞而接飛

觀禁中落葉賦

颺溲戾以蕭蕭兮廊宇靜而蕭條覽宮本之隕零兮
哀貴賤而並凋辭珍柯而永絕兮遘回風而吹率撼
金鋪以撼颯兮排紫闥而求侶爲長颺之所接兮倏
激響於青雲襲日月之末耀兮攢玉階而委身警賤
士之利賓効琛贄而熙載離鄉土而遠適心縈思而
搖旆忽兮若聚儻兮分散儻碩果之見知卽萎離其
何惋

惡鳥賦

厥何區之蔓醜爰賦形而不淑毛拳畸而頸豎秉陰
陽之奸濁體癰腫而截瓠惟鉤喙而鬼目誠昏譎而

李空同全集卷之三
妖穢枉氣化而主育。怕聞聲而罕見。畏衆鳥之追搏。懼杲日之融顯。羗宵征而晝伏。棲託軀於惡榦。浴刷羽於汚流。嗟錫腐之是飽。棘墓門而巢幽。既寒炎而罔識。詎孝友之能服。群磔母而始習。雌同郊而求匹。昧懽嘉之美音。乃前凶而豫侵。集何方而不惡。鳴吉違而承吝。君子獲而外咎。小人遭而中鍊。恃詭秘而靡覲。愈騰驕而翔虐。上帝握令。神明予奪。豈曰不知。庇此沴族。無因獲災。賢弗有祥。過遺之音。夜誰可防。周鴉哀訴。賈鵬笑傷。帝曰。人命有初。禍福不爽。禽得氣先。終豈女賊。

鵲賦

有翩翩之珍鳥。秉陽剛而含哲。擇喬幹而託處。信于飛而頽頽。性靈達而好靜。怕相時而豫移。知多風之害患。則徙巢於下枝。善傳祥而遞音。類明士之幾悟。遠林岩之遐間。遊庭松而棲寓。虞矰弋之見尋。於君子乎。是依飲九霄之曙露。啄嘉實之離離。黃鐘厥月。天地閉藏。雪霰紛其交下。烈風嚴而兩霜。群植寥乎未拆。諸動潛于深密。羨斯鳥之前覺。獨銜槁而營室。隆象天體。方則地矩。義備晦明。智敵風雨。諳擊衝之玄括。背太歲而啓戶。諒綢繆之軫心。黯拮据而誰語。嘒春陽之未臨。聊俟時而共嬉。感主人之隆篤。戒彈矢而罔欺。步玉除以俛啄。微風跂而自閒。冀融景以

驟躍昂清雲而拂旋激神化以耀德逢印赦而幻遷
庶遺安於衆鳩順天命而自然

螺杯賦

左叅議屠君宴客出螺杯焉天然厥形精瑩異
常屠君曰螺江物也得諸漁人托之以金可注
可飲稱杯焉右使黃公見之喜不自勝黃素於
酒澁於是則連飲數螺螺迴酒不輒醕也黃梗
仰唇傾務盡之許詩贈螺李子作賦賦曰
何物詭形旋尾敞口厥腹彭亨藏深廣受若仰復翹
匪方匪圓珠姿瑩澈質脆精堅五色文錯素浮擅焉
扣之金聲玉避其温含華結液海鱗疊紋苔潤浸積

幽光吐吞昔嬉大洋今佐貴尊違彼龍窟媚我綺席
枯殼不捐主人優渥鑠金靡熟墮指罔裂天然逞殊
焉雕焉斲凝如竅壁映猶飄雪公輸無所措其巧王
爾祗自慚其拙烏履雜屨堆腥蹂鮮瑶爵登几飛觥
肆筵醲不及寫揮掌吹誼螺於其時傾之不醕頓之
靡安心焦意煩宜瓶壘所笑而觴觶居前也才會俊
集風榭月夕崇潔進高揮鏤擯琢鄭彼黃流螺以壽
客曰悅情愛悟義惟德納洪舉輕類有餘兮飲不輒
釐藏若愚兮屢傾屢至來徐徐兮非藉弗安相厥處
兮外瑩內虛以授爲容兮旋形錯彩潛友龍兮吸月
之華奴蚶蚌兮翔于澗溟瑞由江兮委身君子俟時

庸兮

貢禽賦

異乎翩哉黃旗南來海奇越珍鳴舞伊軋戲船續紘
毛羽絢爛走飛緜緜羨妙極臻步止異常巨細情態
駭人哉則秦吉了畫眉山鵠五色鸚鵡番雞孔雀綠
鳩火鳩白鷗紅鴉猿則金絲通臂獠狢獼猴小大什
伍有朱喙丹距玄體白趾絳冠翠衿黼黻相倚蒼黃
文錯頸繡練尾紺目巖額金花鐵嘴旋如雪迴並猶
錦聚詭質慧心巧古人語請若笙簧睨睨滑瀏爾其
選山澤設長羅搜妍迹捕流影購工懸賞效獻思逞
祖禡皆作劇閑齊一萬人波逐千騎林騁下無跽獸

下無康翮十百獲一地搖天爻於是飾雕籠裝寶絡
戒虞官慎水食有山林之所未有食人之所未食而
乃辭島邦別瘴隅道蒼梧逾番禺入江湖歷荆徐艱
難萬里達于京都域有濕燥氣有涼炎春行秋至溫
不敵嚴毛顛尾鍛鮮落瘁添經城吏懼邁野民憂幸
其過速歛錢而賕至則昂天軒覲豪門振紫庭浴漢
潭羨秦宮坊殿縱上林豢者如浮縱者若沉味不升
俎毛革不御此何物者而蒙是榮遇拔微登賤永棄
風土於是歌曰聖王卻珍禽獸靡哉貴賢游德麟遊
鳳儀役神遐異厥民之厲白狼以歸荒服不至

水車賦

厥鬻有輪一側一覆匕者旋左側承以屬各有犬牙
錯銜摩軋象彼兩儀環周樞幹有百其肩牽聯承乘
必噓斯降有挈乃升成功者退四序之旨行息棘紆
於厥輪視噓者受一受者在中長槽引之無寫弗通
受曰含弘通曰流形默濡旁漑支涸源滄其動也時
其靜也虛一氓操之與造化競驅夫其惟水車乎

四友亭賦

夫物有情契事有偶同人有大觀氣有流通故
一本而視同體之義存焉體物著用因心之懿
宣焉命友以四倫數之天天定物合事之奇也
闡名設亭訓之推也故墳篋之音暢於家而後

孝弟之風行於國何則敦薄銷鄙非义弗著也
故詩曰和樂且湛久莫要於不變不變莫如松
竹梅栢人友其一而亭其間而盤而桓所謂事
同情契可以大觀者歟矧吾一氣也乾父坤母
物不吾異也哉於是賦之賦曰

繫許氏之爲亭也左崇嶺右大江架盱豁軒紛龐占
巨域符名邦上納嶺岼下壓濤瀧吃鐵城之東圻割
勾吳之西封圍之以金焦之秀標之以芝山之峯爾
其經始也召班爾謀詹咸諦璇曆證虎鈴伐直材於
太古之谷礮文石於千仞之巔慎陶鍛而兼美雖鏤
雕而務堅既測圭以定景復銓辰而考躔信抱形以

回勢亦負阜而面川則大壯以弘義乃取乎上棟下
宇法三才而樹本故仗之下方下圓懼室閉之傷順
則以之四洞八達惡巧麗之賊久斯尚夫樸厚渾全
孤立乎曠濶之囿俯瞰乎鳶鯨之阡而乃藻常棣而
爲梁粼紫荊而爲牆雜之以蘭夷椒桂繪之以玉碧
文章苞忠厚以爲基準虛明而開窓仰穹窿而體健
俛靜直而效方遵扁啓於昕暮式向背於陰陽於是
則徒嶮谷之稍運徂徠之榦拔新甫之奇挺收孤山
之芳翫水潤火暄義培仁灌冲和融結寒暑變換條
華歛華俄聚乍散玉瑱雲鬱素飄蒼爛成偃蹇牖戶
或昂藏霄漢或巍若大夫或瘠若君子或如幽岷綠

裳翁或如空谷白駒士或岳岳而立或娟娟而倚判
體合蘊殊狀詭形輪囷離奇剝削娉婷望之溟濛就
之矚嶢日爲之視風爲之聽雨爲之沐雷爲之醒烟
爲之韻神爲之冥茲四物者非所謂天下之至靈歟
而奚萃吾亭也迺有蘭昆玉季鴈行雙雙攀勁拊脩
振英掇穠人取其一稱爲四友乃於是召上客呼戚
儔敞翠帟羅珍羞膾江鮮剥吳牛進楚舞徵齊謳飛
兒就列清壺益之越錯侑之海臆解帶傾庶羞促節
紛高倡絙伐木之亂簧闐牆之章欽友于之嘉懿悲
粟布之見狀調瑟琴於旣具涕墳箎之遺響已而樂
希頌醑主賓共起徘徊於四靈之下衍遊於葱蒼之

李空同全集 三卷 十四
傷吸霜柯之明雪飲蒼王之浮涼拾香鈴以藝鼎採
寒葩而泛觴掣懸茗於上枝散啤雀於叢芳避松徑
以行丹鶴護竹實而需鳳皇於是各命侍兒遞節緩
歌出飲入趨絲肉相和松兒歌曰若有人兮佩鳴環
脩蒼髯兮抗冰額抗冰額兮吾之友心莫逆兮萬斯
壽竹兒賡之曰有美一人其脩如土翩翩翠袖日暮
空谷暮空谷兮憺忘歸居有朋兮我心怡梅兒賡曰
子醜妍兮華我惡於子游兮元之素元素本無垢歲
寒顛相守柏兒賡曰冠我我劔陸離綠髮氈氈褐歲
蕤葳蕤靡時改中路莫疑悔歌畢主人乃還客入亭
復坐引觥而各不自覺其頽然醉矣客則強起婆娑

舞其歌斷續弗調似亦賡前歌也歌曰吳江落楓洞
庭下橘朔風有嚴玄冥變律露露溟溟慘兮而慄龍
蛇以蟄百卉蕭瑟堅者隕榮脆者銷質是時也不有
此四友者於斯亭也孰與壯天地而光日月哉

各游賦

仲月之交後車既休草木變落水涸不流於時駕車
命侶辭闈涉防斥長阡以橫目眇烟藪之蒼蒼零露
下而草濕清霜飛而柏傷浮雲翼其四起高鳥止而
復翔詫途隅之鴻構忽危榭而重樓破千金以營域
錮九泉而爲丘嘆狐鼠之無忌覽榛棘而懷憂爰息
輪以陟崇眺城觀之霏藹日陰陰以向暝雲肅肅而

歸海念皇衢之如砥懼前路之中改蕙昔陽以發春
準四節而成載

...

...

...

...

...

空同先生集卷第四

北郡李夢陽撰

詩 古體

四言一十五首

禮社

甘露

效五子之歌

青青者蒲

河之揚

始雷

河之渚

辟雍

觀牲

有鷗

有兔

我行

我出城圍

型範

歸壽

四言一十五首

禮社

禮社紀成也今

上肇禮於社臣夢陽以戶部員外郎從而賦禮

社

元年仲春吉日維戌 天子肇脩於社式對二后協

於百辟既祗既戒其日丁巳三星彗彗

百辟至止萃於臯門三星在隅乃辟乃開有滄其雲

有零其雨赤舄踳踳于壇之所

八佾剡剡百燎盈庭左金方石牖鼓孔行 帝命元

臣曰戎朕代式虔式穆厥維朕載

元臣受 命爰肅其躬月出則光三星在中啓管嗶

嗶有萬期舞爰配二辟犧尊維俎

於神來格殷殷畚龍旂載揚雷霆嗶嗶明明對越

肅肅奔走神既醉飽錫辟之祐

適皇纘業配天於京三辰允禎曰雨曰暘皇降嘉寶

來牟黍社敷文戢戈克紹家上

禮社六章章八句

辟雍

辟雍紀視學也

天子至止於彼辟雍和鸞央央其來雍雍象輅金衡

有蒼其龍光於廟宮是依是崇

吉日維申脩我元祀皇祝設樂鏞鼓萬舞有筐有篚

以享以祀群執肅肅秉德弗渝

維其觀者三氏孫子其冠戔戔來忻來止翩彼鳳鳥

集於東林繹其觀者其爛如雲

自門徂基辟儼若思青衿濟濟以辟以師爰命祭

酒司藁拜手訏哉嘉謀作民元后

帝若曰都戎言式弘匪道何程匪猷曷承載弼元理

維協乃有衆拜稽首天子萬壽

旗旒旆旆淵淵伐鼓皇啟辟雍用惠下土自天降

休豐年穰穰藹藹王多吉人四國用康

辟雍六章章六句

甘露

甘露紀異也元年冬至甘露降於陵樹

於辟是興皇用錫祉苞有八業侯茂侯采

填填墉壑有嚴廟宮湛彼露斯既霑既降

湛彼露斯于松于柏是既至是掇罔匪澤澤

菟彼陵樹有爛其華盈盈藜藜光於邦家

蕩蕩上帝修監在茲維辟時格豈曰匪時

其時伊何厥陽載升爰夜乃濡惠我孔明

其昭伊何曰帝攸績靡濫靡僭甘澍斯獲

明明昊天是歆是臧臣作誦言告於萬方

甘露八章章四句

觀牲

觀牲大儀也

赫赫明明 天子攸行以修肇禘以對于上帝

天子至止觀牲於郊龍旂交交馬鳴蕭蕭

帝至於郊於赫有臨載穆載欽曰歲事是歆

帝降於圜犧人脫福羊牛鹿豕儷儷濯濯濯牲牲

翔 帝之圜其牲孔碩甫麇麇

城人伐鼓 帝至郊所于旄淠淠虎士孔武乘彼大

路八鸞與與昭于萬邦光于 皇祖

觀牲五章三章章四句二章章八句

效五子之歌正德年作

大禹曰咨咨太康女何樂於田十旬弗返百姓離逖

女厥緒用殄洛汭湯湯流於冀方曷歸曷歸我心憂

傷

大禹曰咨咨太康敬哉有上毋荼毒下民毋曰民小

毋我崇尊天自我民明威

大禹曰咨咨太康天命難忱慎德者昌維帝克堪奄

有萬方乃罔攸序上帝殛罰女

大禹曰咨咨太康毋遊於盤毋荒於田毋小人是庸

嗜貨靡不顛毋曰予一人天下予何天方降爾瘡

大禹曰咨咨太康彼曰不臧是謀是從此曰既經是

戾是戕不念爾祖獨不念爾土嗚呼敬哉敬哉天罔私隲女

效五子五章二章章九句一章八句三章

有鴟

有鴟諷也

有鴟有鴟集於喬林征夫遑遑以北以南居人之子我是用覃

東人之子衣服粲粲西人之子車馬有爛中人之子噂噂衍衍

誰屋室潭潭誰教猱有豨心誰遇人艱難誰寤寐永嘆

爾視爾友令色令儀弗視爾友靡滅靡嘉爾視爾友

予德予哲背姻背婣罔不愆蔑

朔日日虧十月其雷山川震崩星辰逆行二三君子

匪疚匪疾日時則然匪我敢逸

燕雀在堂翻其羽鱗鱗在於河渚弗念弗畜

孰獲爾所小子作詩誨言式女

有鴟六章二章章六句三章章八句一章

四句

青青者蕭

青青者蕭感遇也

青青者蕭生於汙池旣旒有翩君子攸悲

有蕩者道其木喬上。有鳥曉上。女有巢漂搖。
有石巉巉在于中泉。我思既壘。畏子不前。

青青者蕭三章章四句

有兔

有兔閔獵穉也

有兔有兔其來趨上。有豈豈上。虞人之縛。
有兔綏上。瞻子傷悲。豈女有母。我子無所。
爾粟爾糜。爾有猫狸。云胡樂而。

有兔三章二章章四句一章三句

河之楊

河之楊怨離也

河之楊其葉幡幡。子之歸矣。誰與我晤言。
河之湍兮。我心惓兮。庶見于旋兮。

河之楊二章一章四句一章三句

我行

我行思也

采蟲采蟲于彼中野。我行思子。瞻望伊阻。
我有邊有俎。滑滑我醑。坎坎我鼓。反反我舞。
有筵有几。我有桃李。不見子都。實維憂矣。

我行三章章四句

始雷

雷于辰宜也。然惧其弗施也。弗威也。又弗廣也。

作始雷

雷之磔兮西山之陽兮翁兮張兮發坤藏兮闡而昌兮

雷之升兮列缺光兮驅罔象叶兮劃幽匿兮維民之福兮

雷虩虩兮民愬愬叶兮施甘雨兮昌下土兮登我稷黍兮

我出城闈

我出城闈閔水也嘉靖甲申秋久雨水涌陸地行舟

我出城闈浩浩其流我車我馬登彼方舟昔也長薄

乃今舟之滔滔波塗昔也疇之

嗚呼蒼天雨無其極淤我良田浥我稼穡賣牛買船賣鉏買楫夕之朝之濟有深涉

彼負者子涉寒號咷彼輦者子陷泥中濤彼車者子馬顛濡毛彼往來者誰子冠蓋而遊遊

我出城闈三章章八句

河河之渚之渚送鮑氏也

河之渚鳧鴈與與我駕我車載言送汝河水漚漚汝舟淠淠冬十有一月甲申者歲

河之沙浩浩其霜人廬人處子也獨行廬匪不懷茲非我那豈無念處旋我舊鄉

舊山有廬溪則有魚有車馬驅有琴瑟笙竽烈風旆
旆寒日冰瀨汝征汝過

山有栲亦或有栲魚潛於淵或在於沼芻蕘之言君
子敬聽慎爾威儀擇爾友朋

河之渚四章三章章八句一章七句

型範

型範省躬也

器土必型器竹必範綏則有蟬冠則有范哲人畏威
爰矜爰業省之察之春冰是涉
帝命攸畀而胡罔嘉忽心乘之厥王斯瑕聖戒罔念
賢省日三輿則倚之立則如參

淵魚負冰谷鳥嚶嚶賢豈在貴愚匪無榮維彼賢人
省躬靡疚彼愚何人外華中垢

型範三章章八句

歸壽

歸壽者李子爲東墅子作者也東墅子年六十
其子經自大梁馳而歸壽焉於是作歸壽

春日旣熙有繁其梅爰啟我堂我尊我壘穆穆其賓
揖讓先後介我眉壽飲我清酒

爾生之辰爾子遄馳何以獻之玉斗金卮春華載殷
舞衣爛斑庭樹青葱鳥鳴闐闐

又何獻之嵩高之松翠蕤屈枝盤盤如龍又何獻之

賊逃歌

愍災歌

愍燠歌

姚源歌

款乃歌

和方山子歌

古已哉辭

三原王公壽辭

招隱山辭

楚調歌一十二首

琴操五首

衛女操

舊說衛有賢女趙王聞其賢請聘之未至而王
夢太子曰吾聞齊桓公得衛女而霸今衛女賢
欲留之大夫曰不可若賢女必不我聽若聽必
不賢不可取也太子遂留之果不聽拘於深宮

思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故
丘兮淇水淺淺懷我父母兮不能奮翻嗟嗟不能奮
翻予安用存兮

漆室女操

漆室女魯人也倚柱悲吟鄰人問曰欲嫁乎女
曰吾憂國傷人心悲而嘯何言欲嫁乎遂自經
而死

父母不聽女言女義不至公門嗟嗟奈何朝倚柱而
吟暮倚柱而歌知我者謂我心憂不知我者謂我求
為家予寧為地上之茂草誠不忍負巖墻而生

慧蛾操

李子中庭而立有蛾窘於爵入檐而避之李子傷之作此操也不至公門堂裏奈何隨尚封而翼之漸漸兮入我檐兮慧遠賊兮信彼點兮寧爾獲兮

哀鳳操

哀鳳操為漢中張子作也張子三十而天子傷其孤貧無歸也援琴而哀之鳳之來兮爾胡為兮牛有阜兮雞有棲鳳兮鳳兮今何歸傷哉命兮我心悲

月星操

元年冬十有一月其日己卯月在宙位金宿來襲李子見之而憂作此操也陰陽舛錯亦孔之還斤斤其月有星薄之嗚呼天高高在上意安若兮

古調歌詩一十五首

河之水歌

河之水歌李子為其子作也以子追不及河之水流濺濺望父不見立河干河水澌澌舟子搖櫓東方漸明我不得渡

想像歌

李子北行日夜行思其兄其兄亦日夜行於是

圓董抄

圓

霧邪煙邪行草莽者兄邪

雞鳴歌

雞鳴歌者李子去江西而作者也孤舟沂江漢

而上

東方白兮雞鳴膠膠鼓予擢兮沙之坳明星上船桅
北斗入地離上蘆中人逝而逝而

內教塲歌

內教塲歌者李子紀時事而作者也帝自將

練兵於內庭

雕弓豹韃騎白馬大明門前馬不下徑入內伐鼓大

國董抄

李舒章曰直道

今事而不愆古

詞者惟空一人

同邪宣府邪將軍者許邪一武臣不習威柰彼四夷

西內樹旗 皇介夜馳鳴砲烈火嗟嗟辛苦二

叫天歌

叫天歌者撫民之所作也余聞而悲焉撮其詞

而比之音

彎弓兮帶刀彼誰者子逍遙牽我妻放火我言官府

怒我一解彼逍遙者誰子出門殺人騎馬城市汝何人

誰教汝騎馬二解持刃來持刃來彼殺我父兄我今遇

之必殺此僮彼答言奉黃榜招安嗟嗟柰何柰何三解

彼不有官饑官賑之出有馬騎我有租有徭有後苦

楚胡不彼而四解

招安歌

鷹饑則附我父順子逆子右父左彼則萬只誰曰千
只彼烹牛美妻尚望樵山而彼犁

賊逃歌

戈戟團團鳥飛不過汝安逃兮毒弩蛇矛乎林之拗
兮君不見青衣來狼兵開

愍災歌

火之發兮城南暮飛城入兮勢衝礮急風逆不反我
心但兮悱兮泪兮安得術喫爾滅兮解省之火自門
祖堂燒兩廊兮彼何樓者裂棟爆在天為赭兮煙噴
噴海湧照四野兮嗟何鳥聲怪而赤焰翔而不下兮

解二

愍漢歌

東湖為陸而我無車有舟灘高水淺行不得以舒倉
浪天疾威我人七月不雨田龜折山而鱗鱗夫兮出
殺賊婦哭于盧疇給我食

姚源歌

嗟萃萃是何峯攢兮下則無底之壑血滲澍潺兮猛
獸食人岑岑禽鳥竦峙鳴鳶不可以為鳳枉爾飼兮
我聞不敢以言舉火來白刀帳下離哉翻縣官走前
奪驢後叫狗

欵乃歌

欵乃歌

五更風打頭來兮嗟嗟歎乃船開努力齊兮歎乃力
把舵立兮歎乃努力上灘水平平緩兮疑乃北風雨
雪次我寒兮歎乃日漸漸冥兮誰濟此川歎乃
和方山子歌
餞者在郊黃鳥交交楊柳蔭車有酒有肴

右僕夫歌

何柳不黃何鳥不鳴匪無良朋懷我故鄉

右答歌

春水渙渙水鳥鳴喚追汝者誰白馬在岸

右舟子歌

食居琅玕佩君玉環春蒲再榮北舟我還

右答歌

已哉辭

由衷醜貪孰之廢兮餐水茹藥乃疇苦汝節威武不
屈以身殉國此戾此賊彼殺彼力曰伊逮之逮之膺
矣已哉天乎命乎詎予改之吾曷懲矣栗滴瀝望首
陽之清泉兮有二人者從之汨乎終予年

三原王公壽辭

軒冕兮巍莪公之進兮群龍委蛇公今何所兮南山
岩巖誰與公兮逍遙南山何有兮其雲油油出覆
四海兮歸抱一丘公朝攀兮暮與游徜徉宇內兮復
安求綠桂兮丹阿公遊兮酒歌幅巾兮鷺羽婆娑

兮公舞壽且康兮慰我民望兮

招隱

辭

揚

山之桂青青秋風綠葉冬不零王孫幾時歸山空蕙
草摧山之草是也春風花發桃源迷子規啼竹陰
日暮愁人心秋之夕螢飛山風霜露沾人衣洞門
翳寒蘿奈茲華髮何

楚調歌一十二首

天門開

天門開兮冥冥沛余乘兮上征雷車兮電旗瑳陸離
兮四馳陽昭昭兮在下女翩兮勝予交不周兮易
離路超遠兮徒自苦涉海兮揚靈揖陽侯兮貝宮采

珊瑚兮嶼間折三秀兮水中望佳人兮不來吹洞簫

兮絕浦聊盤旋兮戲娛時不可兮再有

貽女

龍旌兮玄牲重闕兮紫府夫君兮不可以見女躑躅
兮徒自苦衝風起兮河魯波巖岬岬兮桂蘿折瓊蓋
兮貽女媒不通兮怨嗟若有人兮乘游龍佩蒼景兮
御清風陟帝左兮右降又翱翔兮極中君游兮崑崙
又夕宴兮王母緩節兮永歌紛佾兮繁舞望遙浦兮
御舸吹參差兮愁予

揭被

捐袂兮沙喬遺襟兮澧浦御重華兮九疑觀潺湲兮

各與神之來兮六龍翳瓊枝兮翠葆驅豐隆兮挾百
靈來如雲兮去冥冥來躡霞兮去乘霓連蜷兮復
歲蕤山之桂兮江之楓雲颯兮吹秋風班予馬兮
延倬美要眇兮中渚

懷鄉

伐辛夷兮采芳芷葺荷屋兮蔭蘭渚佳人去兮不歸
靈連蜷兮愁望予涉世徑兮歷險阻駕玄驂兮又文
牡歲冉冉兮既不我留悵懷鄉兮汨夷猶葛藟離離
兮石間雨冥冥兮山之幽旋予馬兮故阿陟堂址兮
攀女蘿霜露交下兮亭臯秋風夕兮洞庭波山何
兮龍從木何為兮蒙密公有亭兮何不日鼓瑟日鼓
瑟兮復吹觥澹娛樂兮萬福來

君夷猶

登樓兮送君日盈盈兮將落曖弗鬱乎帶長薄君夷
猶兮吹間竝作巢燕兮既辭又鳴兮蟪蛄紛軒蓋兮
總上君胡為兮南都若有人兮被杜衡帶薜蘿兮蕙
纓中有懷兮荃不知臨修路兮悵天涯悵天涯兮望
湮渚信予羨兮誰與龍城兮貝闕君暮趨兮朝謁采
芳芷兮江中寄佳人兮天北

騁望

送佳人兮江渚嫋兮雲氣下鳥翩兮戾止蟬暮
吟兮獨苦余遭迴兮隱軫寒中洲兮偃蹇心相親兮

口難言目不覩兮目以遠風濤兮浩蕩涉浦兮騁望
蘭被汀兮葳蕤杜參差兮夕漲君稅楫兮前坻復容
與乎中渚惝怳兮將從憺淹留兮誰與

雩旱歌

望君兮曾波雨霏兮兩河驟豐隆兮駕馮夷蹇將至
兮風薄之吹笙兮擊鼓絙絃兮會舞君不來兮使我
心苦雲冥冥兮晝晦神靈惠兮甘雨我稷兮我黍穀
之兮士女編龍兮堂墀禽蜥蜴兮水際吐雲兮上下
使鳩鳥兮騰逝紛總兮神欲下姦爲駕兮龍爲馬
君誰須兮不來日將莫兮怨思

祀白鹿先生迎送神辭三首

吹玉簫兮眺帆浦橫蔽江兮美無舸蹇躑躅兮旋望
宛窈窕兮山之左陟山左兮降右忽而來兮倏而去
跨白鹿兮導兩螭色含笑兮心莫知既登兮山椒復
南涉兮石瀨日冥冥兮欲暮風飄兮吹蕙帶

右迎神

綠蘿兮紫萸桂生兮羅戶風颯兮若有望神驅雨
兮泉浪浪躒我堦兮坐我几以彭郎兮挾匡父蘭殺
兮椒醕日中兮萬舞美孰怒兮飄忽逝雲離離兮怨
余

右降神

迹不偕兮心相疑懼雖諧兮愁易離君荷衣兮蕙帶

逍遙山中兮佳爲蓋天門兮既闢騰而上兮雪之際
石有澗兮山有峯心相慕兮交不逢稅吾車兮繫馬
願蹇衣兮從子

右送神

步虛辭

被霞衣兮芝蓋謁沛騰兮影長帶翬逖逖兮天門奄
周章兮雲際吹參差兮槃舞燈繁紛兮不歌以鼓水
以陸兮濟鬼福釐洵分冀望苦

芝山子辭

山之芝兮歲蕤子出遊兮不歸子不歸兮翳薜蘿蹇
余獨兮山之阿山阿兮望子芝爛爛兮莖紫從子兮

齋房帝產兮顯青天門兮不易通子歸來兮山中石
磊磊兮路修日暮兮不我聊

空同先生集卷第六

北郡李夢陽撰

詩 樂府三十八首

雜調曲

擬前緩聲歌

擬鳥生八九子

郭公謠

豆好子

榆臺行

白毛行

長歌行

禽言六首

猛虎行

董逃行

秋胡行

君馬黃

飲歌行

阪田行

豫章篇

仙人篇

升天行二首

洛陽陌

丹霞行

雨雪曲

陽鳥篇

湖吟行

虎欲靜人不避豪賢篇

獨漉篇

苦熱行

雞鳴篇

朝吟行

玄熊篇

遊子篇

豫章行

析薪二首

雜調曲

擬前緩聲歌

萬水東流魚西上游不虞與彼有漁子置我於其鉤魚告漁子女局太荼寬大福厚不見是圖漁乃偃僂伸鉤我脫身以游漁起揮手謝天命各有由此魚銜明珠來報當日漁

擬鳥生八九子

鳥生八九子八九子餵飼兩老鳥乃在城墻高樹頭兩老鳥拮据為巢心中實毒荼晝夜餵飼八九子八九子長城各自飛不來顧老鳥巢風雨巢漂搖今年有巢處來年哺子何處所猛虎能食人尚復有子之親螻蟻極細小虫奉事長上禮若君臣何得朋友如路人上車逢所知下車稱別離淚下如雨眼迷離來

圖

李舒章曰

蒼之岷奇

不若海以

後宋藉文

曰音節殊

古

時不知南不知北。我去何勞問東西。車輪班班轉老
鳥飛飛啄赤菟。

郭公謠

赤雲日東江水西。榛墟樹孤禽來啼。語音哀切行且
啄。慘怛若訴聞者悽。靜察細忖不可辯。似呼郭公兼
其妻。一呼郭公兩呼婆。各家栽禾栽到田。誰教檢
取螺公要螺。灸婆言攝客攝得客來。新婦偷食公欲
罵。婦婆則嗔。婦頭插金行帶。銀郭公唇乾口噪。救不
得哀鳴繞枝。天色黑。

李子曰世嘗謂刪後無詩無者謂雅耳風
自謠口出孰得而無之哉今錄其民謠一

篇使人知真詩果在民間於乎非子期
知洋洋我我哉

豆娘子

豆娘子者蜻蛚之細也。輕盈側媚。群游而寡忌。
李子見之傷焉。作豆娘子。

汝何者物小而輕盈。灼灼悠悠。揚朋從寡。畏緗衣紺裳。
或翠其衿。或朱而黃。嬉戲長莪。窈窕水旁。餐膏浴滋。
飲露吞香。才不我知。謀寧自藏。兒童撲弄。姬媵憐傷。
豆卿子。卿娘子。豆娘百卉。隕零北風。雨霜弱不敵威。
蚱蜢同戕。肅肅鴻鵠。雲海翱翔。噦噦者鳳。覽輝梧岡。
微末之虫。何勞短長。

榆臺行

其事在弘治乙丑年

榆臺高高風吹樹梢都搖搖臺下黃羊走黃嵩山頭
看看日落感策四面吹軍中白旗身姓誰向前看有
河河水深彼不怕死我亦人力能拔虎尾人虎或兩
存歸為鬼雄榮爾魂

白毛行甲申元日作

毛日地動生白毛發春當暖風蕭騷天時尚然有錯
迂老夫何怪兒好童曹君不見猛虎失勢人寢其皮惜
也豈復能咆哮我歌白毛比之董逃

長歌行

籠中鴨望水中鴨一鳴一答汝雖有羽翼不如我汎

古澗琴詠

浸汝食魚鰕奔萍拍藻入烟浦籠中之鴨心徒苦

禽言六首

泥滑滑車馬不得安何不停車繫馬待泥乾

行不得哥哥東有水公西王婆南面設曾北張羅行
不得哥哥

三

姑惡姑惡小姑刺齷姑不樂新婦早煮舖低聲奉小

姑

四

提壺盧壺盧提盛酒背毋私餉妻妻可再得毋恩罔

升庵謂以

童謡評語

作禽言最

得作六首

送四別絕

古七

極

五

瘦兒瘦兒汝為上留田汝為尹伯奇獨行哀叫心內
飢日逐綠樹啄虫蟻汝父汝兄寧得知

六

不如歸去南山豆熟北山有黍

猛虎行

猛虎本居深山我可不入彼來亦難誰令爾今來市
中遊盡日攫人食撐腸拄腹無歇休我欲擊之刃不
在手欲往告泰山之君陸無車水無舟猛虎聞言向
我怒我命在天匪虎懼嗟嗟虎尚有時鳴鳴遺音

爾知

董逃行

涉江登彼西山下看城郭鬱盤城中閣殿斑斕嘉樹

一何紛綸上有鳴鳥旦暮間關遙望我心浩歎

闐寂聞民生何艱終朝缺突無烟胡彼來往翩翩綺

衣車馬可憐誰家起樓造天歌鐘舞管喧闐剥羊

宰牛列筵何但一食莫錢倏忽日薄重淵

笑爛堂綉帟雞舌流黃樂人調瑟未央千年萬歲奉

觴豈知老至悲傷日月逝矣不我留精銷時往霜

霰交流繁華零落山丘心懽意愛為他人收哀哉胡

不德求

外庵曰彷彿
六言
漢詞但不純

耳

秋胡行

鸞鳥不可為鳴爾胡不思顏淵輟塵尼父見疑我今
乃何敢望聖賢人心中憤悶徒苦悲智見萬里水清
終見底解一高高山上臺彼居者何誰厥狀蜿蜒何人
意欲牽經汝雖見其形不見汝情乃胡營營相煎豈
不聞我命在天解二直道古難容樹喬風集顛周公有
何疵愆乃為四國流言伯奇掇蜂不為父憐跡有涉
疑惟賢知賢解三潔色為妬媒危言良見災讒說久自
明非時麟聖哀孤松摧為之薪水東西流欽猶鬼神
解四

國董抄

君馬黃

駢賦二字香草極言其妙

日題告友之
詞興作悍卒
說借以記了
耳

君馬黃臣四驪驪飛駢賦交路遠錦衣有曜都且駢賦
前徑狹以斜曲巷不容車攘臂叱前兵掉頭麾后驅
毀彼之廬行我輿大兵折屋梁中兵擡楯櫛小兵無
所為張勢罵蠻奴爾慎勿言謀者來幸非君馬汝不
夷

飲歌行

虎狼不可群日短途路長魚瘠稻復澁蔬芝雞鳳凰
篤之無恩澤背面輒詆戕錙銖苟不平揚刃起相傷
剽悍復譎詭水土性輕揚哀哉茲土民詠歌以難忘

阪田行

阪田德離離子母長寒饑昨聞接京軍征夫曷時歸

駢賦一詞作飛軒

特生仄田樹下有往典來轍裳四牡雖榮不如典妾
共舖糜網魚不施網孰能制魚死征夫歸來歸來不
見靈寶公安陸子

豫章篇

晨出南浦橋不見橋上樓但見火燒骨橋下水不流
北風吹枯樹板無一人來遊妖鳥群啄鳴啾啾汝何
不此地重起樓吳監大舶來越珍銜舳艫豫章之火
心大茶

仙人篇

何者一老翁耳垂兩肩綠瞳方來此芙蓉峯招我同
行聳身即老翁授我王梓丹携手遊洪濛東至泰山

顛飛瀑揚膏波清松蔭石關饑噉掇瑤草渴飲玉屑
泉晨朝吸沆瀣夕憩若木間俯視九區內傷心淚沈
瀾

升天行二首

九州非我居我思遊冥荒飾輿驂王虬乘氣切天翔
朝餐發匡廬夕暮嵩華陽上謁帝座側回旗拂天昌
牽牛擊河鼓織女方七襄

其二

扶桑躍陽彩海氣騰瑤光六龍抗斗樞九帝開雲間
振衣躡仙蹤飛轡鸞翔仰身操天瓢手勺沆瀣漿
朝嬉太乙館夕憇王女堂馳情覽八極縱目窮遐荒

環運無恒存逝代多隱傷回旌拂九曜捷步登文昌
進謀芝蓋側待間繫玉房群靈贈大藥諸御傳神方
無惜一粒分遂令氏壽康

洛陽陌

嚴飈卷枯藿霜隼厲狄翩翩駟馬子意氣亦何赫
朝馳上東門暮徧洛陽陌臂彎兩角弓寶刀雪花白
借問此誰子無乃漢相如昔挈一束書今乘駟馬車
虎士爲執鞭縣令皆此驅傾城莫不嘆觀者填路衢
舉手謝鄉人榮耀但區區丈夫樹名勲所志在唐虞
揚袂往非去萬里誰能拘

丹霞行

毀譽榮辱至海波何時平海中有仙山仙人築爲城
金銀爲室闕桂樹羅階生鸞鳥翔且舞美女稱飛瓊
偓佺擁我蓋王子左吹笙踟躕聊戲娛餐芝訖西傾

雨雪曲

冬十一月阻舟徐汭朔風北來雨雪紛下禽鳥凍寂
洲村蕭夜纜夫來言衣單腹餓波流涸涸促船難駕
我心悽惻羽翼儻假解七月燠土今幸雨雪往者難
追來春可沃我雖波阻心則怡憚購蔬城市貸米逾

澤原阪蕭條鴈鴻輯集貧士罔懷一陽環復解青青

者衿涉江我求大澤寒冥胡子能來鷺鷥難飛潭網
頻集綱收魚跳閱忘寢食荒岑險艱豈我能處南紀

升庵曰直通
浮魏河村
蕭庭尤弄
所謂核史
排故語也

凍肅返北于土

三解

陽鳥篇

陽鳥攸居於渚於野飲啄紆徐行步閑雅我舟觸驚
振翰若雲飛之有序還集成群陽生豫知延頸跂望
舉翼萬里雲羅空想

湖吟行

魚游于水游于水而鳥游于水飽之去斯雲味湖
冬序僚慄竟日無人草莽冥寂百恠鳴叫原隰誰主
有一曾夫荒濱守罟疑非恒人間之弗言汝胡者人
單到此間

虎欲齧人不避豪賢篇

吾之於人誰毀誰譽貌失子羽言失宰予知我者
君子洗心行不愧影寤不愧衾何樹嶷嶷于吟之特
有撓俾鳴優風者感漢申黨人宋嚴偽學冥鴻逝豫
轅軸局促非林何棲非淵何潛駟馬憂患貧賤德音
富而可求其從如雲徐子起欽顯者茂聞

獨漉篇

獨漉獨漉棄田求屋其屋雖大其人則餓小人在旁
譬如蠶蝎恩之雖勤弃之則螫歲上艷陽桃之吐英
未曾結實誰辨苦蜜錦繡園厠過者掩口珠玉委途
奚異塵土臨淵趣輪臨壑振綏人孰不聞亦孰不知
綦約之美不以爲纈身尊道高名爲雋傑

仍是在
可也

苦熱行

蘊隆焚如二儀為爐赤曦鏢天塵沙沸途居奚諱祖
行弗擇鯨魚伏於困自張其喙何物為炭誰乎為工
橐之鼓之金流石鎔閭風之顛瑤沼之陰飈輪扇涼
冰壑欽崙下踏層雲上攀琪樹仙人綠髮逍遙箕踞
俯闕人世溷熱交毒我欲從之安得羽翼

雞鳴篇

雞鳴月落飄風振宇駕鵝曳陸翔鳥雲舉曜靈初出
浮雲翳止驅馬東行條其慨止

朝吟行

亭毒既周明星有爛羲和授鞭九宇將旦寃者欲覺

寤者嘒嘆嘒曉檜柏覆我中庭雞鳴於顛微霜夜零
閭闔未啟九閩尚荷馳神紫極振珩闕庭

玄熊篇

猛士守四方四方塵不揚玄熊在深山百獸皆遁藏
解臘火舉四澤虞羅亘長雲毒矢積如蝟玉石誰能
分二熊皮充下御肉亦登君庖豈若犬與豸即死無
咆哮三

游子篇

游子在他鄉所願親壽考冰犀遊於淵惟願水長好
礪石雖孤處不羨風中沙葛藟能纏綿不如絲與麻

豫章行

黃河雖大川所嗟源不清千里能一曲不如直道行
王允輔京室李杜垂其名介休巾角折乃為時所傾

折薪二首

折薪如之何爰以折其理結交如之何相要在終始
女蘿施松柏女蘿千尺長結交不知心結交安得常

二

列曜垂四隅燦燦貫中土箕星乃好風畢宿復欣雨
汎觀愚哲士戚戚各有營哲夫計千載愚者終一生

空同先生集卷第六

空同先生集卷第七

北郡李夢陽撰

詩 樂府三十四首

雜調曲

公無渡河二首

空城雀

野田黃雀行

石城樂

大堤曲

襄陽謠

白銅鞮

襄陽樂

襄陽浣婦行

鴈門太守行

渡河篇

黃鵠篇

煌煌京洛行為

賦

南山篇

仙人好樓居三首

白馬篇

將歸篇

答客

擬燕歌行二首

芳樹二首為上海六氏賦

鳴鴈行

知足吟

直如絃

采菇曲二首

雙燕篇

古別離送龍秋子

史烈女

孤鶻篇壽程生大母

雜調曲

公無渡河二首

盤螭作川梁功奇勢難久魴鱟尾展展天吳載九首

圓

二

公無渡河。河深不可渡。中有白石齒齒。漸漸兮。我我。蛟龍九頭。戴角崢嶸。峯磕兮。水鱗鱗兮。衝素波。公無渡河。吹沙暮多風。河伯築梁。結兩螭。汝無羽翼。墮水中。涉水雖可樂。不如登山阿。噫嗟嗟。公無渡河。

空城雀

雙雀下空城。穀穗黃離離。二雀跳跟鼓翼。啄穀穗。其朋于百。咸來集。小者啾啾。是其兒。誰者翁。媪被髮曳鞵。來打雀。雀薨薨。飛上城。嘈嘈鳴。兩人恰欲抽身。雀便復集。回頭罵雀。辛苦長得朱汝。忍飽之。我無粒。手中乏利彈。又茂網羅。天旋日昏。奈爾雀何。

野田黃雀行

樂樂其所自生禽獸過其故丘悲鳴黃雀游野田焉
得鴻鵠高舉情鳳凰靡世見生長丹山依玉禾白於
脂飽之忽來飛仲尼逢子西乃被接輿譏

石城樂

盈盈窈窕女當門是誰家十三學畫眉十五擅琵琶
邑中有盧家此女名莫愁向前問此女女聞雙淚流
二十嫁夫即重門阿閣房臨窓種桐樹五年姿身長
自渠下揚州置妾守空樓悔不快剪刀斷水不東流

大堤曲

漢水白離離月落山黑時堤頭石不平走馬誰家兒

子直

圓

傑住襄門西而在漢水北浮橋不着纜即詎得儂識
大船何處來落帆向儂許高鞞白蛤子識是真州估

襄陽謠

一灘高一尺十灘高一丈湍急石巉魚何由上棹戕
櫓折俾我心愴順風沿水舉帆千里

白銅鞮

誰家池高陽池日暮歸倒接離醉如泥汝為誰拍手
歌襄陽兒

襄樊樂

立檣如麻卿來誰家新燕營巢風中滾沙鳩鵲逐鴛
鴦金井石榴黃珍寶丘山積擅名黑門廂

圓

圓

襄陽浣婦

彼誰者。姬吾家。浣衣新。寡寒賤。髮髮霜。飛體無完衣。
十日九飢。態度則殊。辯是知非。姬泣荅言。妾襄宮女。
少小入宮。荷主憐顧。四十始出。嫁為民婦。灌田采薪。
奄就貧窶。舞裳綻污。形容改故。夫死男孺。藜藿靡救。
姬咽復言。侍襄定。獻幾三十年。王有義辭。皇嘉特宣。
父子俱覲。妃嬪如煙。鈿筓載路。龍旂飄翩。御使絡繹。
珍車班。上漢峴。同清天。歌播焉。哀鳥南還。層城言言。
鳥春日妍。桂宮有延。傑臣觴壽。玉娥奉筵。王既捐世。
變來罔度。聞見駭異。古殿寂寞。姬勿更言。萬類咸爾。
厥亦天道。安之則已。

鴈門太守行

鴈門太守汝何人。治邦三月稱明神。我有牛羊賊不
來掠。我有禾黍人不敢割。昔我無衣。今有袴著。我思
禮拜太守。太守不見憐。但聞太守身。姓邊。紫髯廣額。
聳兩顴。太守出門。四牡騤。後擁皂蓋。前導兩麾。行
者盡辟易。居者不敢窺。旁問太守胡所之。云訪城南
皇甫規。

渡河篇

小麥黃。七河波。君奈何。今渡河。昔君游。此思君。一見
經旬累。月不君。一面君。今渡河。乃往何。縣跋。予望之。
淚下如霰。汀有鳧。兮。止有蘭枝。相亞。兮。居不單。人生

圖

陳卧子曰朴也

得樂府之神

虞山謂本詞

俱頌

皇甫事

心事豈有單殫若慎動靜如君餐

黃鵠篇

黃鵠游四海倦言還故邦中路失其雌三年迺有雙
鴛鴦毛羽縵哉工凰儔鶴匹渠豈同嫵婉懽娛殺酒
豐琴鳴瑟奏芳夜中樂極思來內忡忡驗新追故悲
悔叢人生万事慎勿輕易狸鼠之能詎逮騏驥車牽
美期谷風興刺我心自知聿斯語誰

煌煌京洛行為曹縣王子賦

時風布陽和韓七華春木清朝富才賢藹七冠蓋屬
弩力競高路鷄鳴起相逐白日耀飛轡流雲翬行轂
同里多彙薦一門有聯躅蹶彼曹南士雙七皎如王

聚鳴各當晨連翩一何急煌七京洛內濟七英妙集

二即紳委蛇三四錦翕熠大郎雖未官俯身拾班級

入室談仁義出與卿相揖聲名既烜赫性行復剛執

見者勿徒羨青雲貴自立

南山篇

南山何巖七土有孤鸞凰佳偶永相失日飛夜悲鳴
遺腹生雛哺之良艱晨采竹實暮取琅玕吁嗟哺之
良亦艱雛成被九采翱翔覽四海四海觀光儀阿母
亦榮輝我七相公門屹與南山齊自有鸞鳳來綽楔
增崔嵬相逢且莫言聽我南山篇

仙人好樓居二

律律海中洲峨上白玉樓上曾結浮雲下戴神鰲遊
前簷陰白榆青龍守門樞上有無始公祭霞煉金腴
飛瓊鼓玄索浮丘扇其隅情閑覽八表出入服氣輿
日月跳兩珠迴旋但須臾萬年永福昌寤言莫相忘
二
謁帝華蓋側沐髮咸池旁巖上雲中樓文杏裊爲梁
黃金走闌干銀闕前相望聳身若輕翼登之窮四洋
四洋北荒沕波瀾浩揚揚九州一何拘歛言歸洞房
屑玉煉精魄用神無何鄉萬年永福昌寤言莫相忘

三

乾鵠知來風靈人炳先幾超世構魏我上與飛雲齊
舉手拂天河白石寒離離亭午不服箱織女棄支機
孤鳥銜若華東來欲誰詒海水淺以清俯之嗟嘆咨
眷茲勿輕道翻上衆鳥馳萬年永福昌寤言莫相忘

白馬篇

不同

白馬紫金鬃揚鞭過市馳萬人皆辟易言是賣珠兒
生長本倡門結交蒙主恩侵食玉榻側獨令優渥言
取金大長秋徵歌亭延年家佳十重樓珠簾白玉鈎
綺繡裁襦裳妖艷無匹儔片言即賜第意氣凌五侯

將歸篇

對面有年絕千里長相思登高望來車入門賦將篇
驚風何飄飄獸鬼莽開啼群鳥各有趨他邦難獨依

獨依令人惑悠々浮雲馳悠々尚可道霜露隕百草
子去有何見來之奚所聞願客且寧坐爲子請故陳
丈夫志四方出門轍同輪人心投合諧匪必鄰里親
長風會枯蓬飄々逐飛塵旣東忽復西聿誰究其因
引觴就岐路有懷庶能伸

答客

擬燕歌行二首

花稀葉艷藤蕪芳皇皇溥原修且將陽浮野曠雲飛
揚風沙眯目瘴氣黃禽獸阻飢狐在梁興言送君還
故御牽袂欲別立徬徨延視極騁中自傷締交心遠
隔肝腸雨去孰予共杯觴蘭抗桂世文荔檣迹哉汗
漫凌洪洋安能假翼東南翔何人贈君紫玉璫又何
贈之雲錦裳永言嗣茲無我忘

圓董抄

銀河耿耿秋夜長牽牛織女限河梁終日弄杼不成
章延頸北望涕沾裳自君別我之他方錦衾燦兮獨
空牀北風發發天雨霜鴻鵠垂翅不能翔谿谷天寒
林樹蒼道路欲歸多虎狼人煙斷絕乏資糧爲君憂
愁斷肝腸思策良馬逝君旁中道失路河無杭攬衣
踟躕夜未央願爲浮雲歸故鄉

芳樹二首爲上海陸氏賦陸出東坡故硯姑
蘇全肩筆索子面賦一字起十字止

嗟天運春奄暮翩翩者鳥集于芳樹芳樹生路隅車
馬一何多朝看桃李華夕看桃李柯爰登高丘以望
遙見長安綺樓樓中美人彈瑟如聞三嘆未休客乘
白馬繫樓下秉燭置酒娛夜遊美人贈我錦繡辭把
玩不異珊瑚鈎林陰溥露羅袂薄明月照闥那可留
嗟乎人生何不共努力君不見城鴉啼子忽生翼

二

前缺八字句此篇足之

倚君子道爲貴貪夫所欽駟馬高蓋東家雖惟牛不
如西家虀雖有文馬千駟不如西山啜薇倚嗟富貴
良何爲瞻彼青青兮陌上林穠華灼灼兮一何早涼
風有時漂搖來吹汝坐見淒淒白露滿芳草願采青

松寄情親於遠道

鳴鴈行

鴻鵠高舉摩天飛渴飲沆漉餐靈芝翅拂日月雲爲
衣卽有矯繳安能施下游滄海高河漢我思與爾時
相見羽短毛長何足辯

知足吟

衡門可栖藜藿可飯錦綺雖麗布帛自暖車馬雖貴
豈若仰偃下覽林臯上陟巒巘靜倚垂軒憇目送行
雲返

直如絃

直如絃死道邊相逢且勿諠敬聽古人言子雖抱良

圓

壁暗投誰為惜。擬蜂尚見疑。何況不相知。種桑為得衣。種穀為得飽。結交不得心。不如絕交早。

采菇曲二首

衆星欲沒月。糶胡人家河上起。相呼相呼相喚采。秋菇問渠早起緣何事。此草日出化作田中枯。采菇采菇君早歸。霜寒露重濕人衣。藍田白玉非無種。不似商山好蕨薇。

二楊

白如玉。簪香如玉田禾行人且莫行。聽我采菇歌。儂家住在黃河曲。一日波濤怨殺河。河來有魚去有麥。麥下秋霜采菇多。不求河向城南去。只願年年河

不波

雙燕篇

雙燕來故室。不見阿母語。穿窬入幕尋阿母。哀鳴欲棲還復舉。喃喃止翠柝。徘徊拂素幃。浮塵積玉玳。斷蘚生畫衣。雙燕年年春。性來阿母阿母何時歸。

賦得古別離送龍湫子

盈盈楊白花。汎汎綠波水。化為萍萍草。乃與人相侶。飄泊無根蒂。隨風任流止。今日歡聚客。明日倏千里。千里異鄉縣。有時復相見。心情豈固殊。所嗟形色變。一見復一別。少壯頭盡雪。老大未足傷。願言崇令芳。

史烈女

楊

升庵曰若与
後四语便宋
人可及

史烈女者杞史氏之女也未嫁而死其夫是踰
禮以守信破經而成仁者也李子曰史氏女有
激俗之功焉然予聞其言矣於是乎迹

梨花如雪霜鴛鴦不成雙我心明如鏡我心清如水
鏡明有塵時水覆無收理古昔華山畿行人下馬拜
春風兩蛺蝶綠草搖衣帶

胡評似孟郊

孤鵠篇壽程大母

有孤者鵠毛羽蒼倉靈氣勃勃吞秋霜飢餐玄圃禾渴
飲瑤池漿朝從金母遊夕挾飛瓊翔生有二子二子
生八雛雙雙出崑崙之巔漱芳茹膏殮玉腴上下嬉紫
虛青鳥為伴又鳳俱俯視鵠鷓鷃何啻萬萬輩

啾啾啄腥穢

空同先生集卷第八

北郡李夢陽撰

詩

樂府四十六首

曉歌曲三首

雷之奮

鳳之升

月如日

雜調曲二十一首

塘上行

艷歌行

甄氏女詩

師曠歌二首

五仰詩五首

淋池歌

招商歌

順東西門行

妾薄命

苦哉行

嗟哉行

朱榴篇

行路難

白紵詞三首

詠史一十一首

賦大隧

八儀休

青陵臺

射潮引

汝為我楚舞

博浪沙

左祖行

申屠嘉

轅下駒

栗太子

赤鳳曲

短調歌一十一首

子夜四時歌八首

車遥遥

蘭

掌上舞

鏡歌曲三首

雷之奮

雷之奮翕兮張山之陽發坤藏闢哉昌群龍載浮列
缺光列缺光短中土惠甘雨介稷黍聖人垂衣民歌
舞民歌舞祛禍畜飢而食飽斯嬉厲鬼潛滅維福基

鳳之升

鳳之升附龍雲儀萬方昭帝文昭帝文承宗禋安知
山翁如坤兩宮豫協天神帝臨朝奏雲門曼鳴球笙
鑄振昭四方明萬民萬民愉庶物亨陰陽熙乾道成

乾道成皇業昌軼周妣績塗戎臣稽首歌雲龍

月如日

月如日光如輪輪五色續哉紛貫紫霓揚風羽扶大
乙侵紫庭化為白氣于天經張我弧挾我矢祛稜滅
妖天下理

雜調二十一首

塘上行

蒲生何離離過時采者稀莫言采者殊盛衰自有時
一解昔與君相見不謂行當變讒言使交流水清石自
見一解孔雀東南飛十步一徘徊羅鷲羽翼短安可作
雄雌今日樂相樂飲酒行六博蒲生枝葉多中心

亦不惡

解

艷歌行

楊

吳日出扶桑照我結綺窓綺窓不時開日光但徘徊
一解通阡對廣陌柳樹夾樓垂上有織素女嘆息為誰
思二解步出郭東門望見陌上柳葉葉自相當枝枝自
相糾三解

甄氏女詩

予讀魏記見甄氏女失身以讒被誅即其絕鳴
之音至慘戚不可讀而竟以讒死悲夫然卓氏
女亦奔相如作白頭吟何所遇懸絕也陳思王
浮萍詩或稱托風於甄氏比之長問成敗異矣

豈非事人者之永鑒哉

種樹高堂下枝葉何留留辭家奉君子置我青雲樓
一朝意乖別棄妾忽如適昔爲司溝水今向東西流
獨守結心脾夕暮不垂帷明月鑒玉除清風一何悲
曳絢立中庭仰見明河湄明河光不回念妾當何依
沉思仰天嘆淚下如斷縈

師曠歌二首

祥見樂書

宮廷肆方哀絃拊玄鶴降方鳴且舞呼煙侶方嘯雲
友誰能爲此師曠子

右玄鶴歌

招白雲兮會天鬼雨冥冥兮風不止君好音兮徒自

苦民悲嗟兮離棄女

右白雲歌

五仰詩五詩

余懷五嶽尚矣婚嫁未畢頗有向平之嘆太之
公口高山仰止景行行止即未能至心竊嚮往
之於是作五仰詩焉

我所仰兮在華山側身西望阻秦關蓮嶺阻修徒離
嘆仙人贈我白瓊丹翳三秀兮吟葛覃我欲從之途
路艱西望咸陽涕潺湲

二

我所仰兮在衡山側身南望阻荆關祝融岩崇心悲

酸仙人贈我赤瓊丹
婆娑柱樹山之間
我欲從之途
路艱南望洞庭涕潺湲

三

我所仰兮在泰山
側身東望阻齊關
南有龜蒙東肅
然仙人贈我綠瓊丹
招我東游扶桑間
我欲從之途
路艱東望河濟涕潺湲

四

我所仰兮在恒山
側身北望阻燕關
飛石岑巉不可
攀仙人贈我黑瓊丹
帶星辰兮佩鳴環
我欲從之途
路艱北望鴈門涕潺湲

五

我所仰兮在嵩山
側身遙望阻韓關
企余望之良匪
難仙人贈我黃玉丹
手持金光翳華管
我欲從之途
路艱遙望緱城涕潺湲

林池歌

翩翩黃鵠王距金衣飛
引兩雌來下我池
肅我徒駕
我舟折荷花兮擢中流
女揚歌龍豹馴陽阿
雜進齊謳陳會鼓擊樂
未央皇家萬壽民阜康

招商歌

荷爲蓋水爲車
女豔豔兮繡帶舒
辟陰館坐陽渠
招涼風兮吹玉竿
吹玉竿感心志
晝卷夜舒蕩人思
榮景沉凝霜零
仰首太息沾我纓

順東西門行

嘒人生七十稀來日苦奔去難追賢子孫富家資耳
聰眼明心寡悲酒既清散核時首春禽鳴梅滿枝人
道成世運熙乃今不樂當待誰召同姓請鄉耆鼓瑟
飲醇祝期頤

妾薄命

蘭房宵宴燭舒明今者不樂歲其征豈伊異人惟友
生金杯玉盤殺雜呈恃容驕愛各極情任心屬懽密
意傾美人顧予獨身成鳥履雜蹂香澤傳額瞬目語
中意宣主稱千壽客萬年攬衣起舞體仙仙燕翻雪
連臻極妍羅濡穀潤汗沾顏履遺珮絕立未安滿堂

稱能燈屢前金爵弱腕未勝持相擎袖遮情語微促
尊前席影齊移繡裾珠玑光透迤耳後懸璜何累七
皎若芙蓉出綠池贈我彤管親所將車疑馬停仍罄
觴德音愛深結肝腸醉沉獨言猶不忘歸室自解鳴
玉鐺九華流蘇雞舌香合眼宛在君之旁覺來微月
鑒空牀起視北斗長闌干踟躕露晞日上山義成愛
施良獨難悲思嘆息淚汎瀾佳人絕代惜玉顏情會
恩誰摧我肝願託錦衾終此懽

苦哉行

從軍北到長城長城草枯窟不平十月風發霜霰零
人鬢馬尾冰結成東歸太行踐羊腸斫冰煮糜岩谷

旁攀枝掩淚瞻故鄉紅顏搗素怨夜長悲離恨阻斷
肝腸破鏡何時飛上蒼

嗟哉行

人言高樹多風群鳥巢其顛勁幹從來易折弱者求
其年蘭蕕雖異衆草秋至同一零君子不愛其身身
屈名乃成

朱榴篇

朱榴雖擅名不與衆草爭春陽炎天衆草死朱榴吐
豔何揚揚緝緝潰葩不結實可憐此物終拋擲

行路難

錦筵翠蛾心莫疑色銷言忤情處離偶投響諾山嶽

移昔面詆訾孰復知川塗憂風備其舟彼風東西流
波翻浪側時不休泊船倚听纜樹根彼何者鳥翻然
喧願置此曲令心煩

白紵詞三首

燈繁月明夜何長華桂鳳髻曳鳴璫裊雲流影歸洞
房引商刻徵斷人腸金鞭騮馬立徬徨解衣酣酒歌
未央夜闌雞鳴不下堂

二

天河爲橋一水長雙星怨夜遥相望玉簾金第衢路
旁塵暗燈殘芬秀揚轉眸明月低西方墮曆流鈿飄
碎光馬停車駐空斷腸

五更月微含素波飛霧英英沒絳河桂宮蘭室棲王
娥外極金鰲萬象羅萬人齊和一人歌生丁福運民
太和竟日為權豈足多

詠史一十一首

賦大隧

賦大隧兒賦隧中毋隧外毋思啓段段已舉不及黃
泉是何語賴人不來其奈汝賴人不來猶之可姐上
分羹痛殺我

公儀休

園中豈無葵相公奈何賤相君即無衣不愛室中棧

相君千萬歲請治相右棲桓公霸諸侯管氏有三

青陵臺

兩山當中開露出青陵臺北山雖張羅南山鳥不來
我在南山自有匹馬牛之風豈相及吾頸可斷志不

易

射朝引

錢塘八月潮水來蛟龍奮怒濤為雷天旋地折不可
止此中云有鳴夷子何不張爾弓挾爾矢射殺鳴夷
潮可止君不見潮水年年十月來萬弩射潮終不回

汝為我楚舞

汝為我楚舞吾為若楚歌黃鵠翼成將奈何黃鵠一

舉橫四海君王豈有四海羅君無四海之羅安能此
殃君美人毒君子

博浪沙

博浪沙中挈椎走鴻門帳前撞王斗誰問張良貌如
婦赤帝子起鞭赤龍臣也請歸從赤松赤松子何在
許君不見朝烹狗慕縛虎

左祖行

陵曰不可平曰可安劉者誰勃與我音不信祿不入
軍左祖計安出

申屠嘉

鄧通小臣敢皇侮錯也何人毀廟堵臣欲戮通帝弗

詐請收錯誅帝罔與含血自殲報皇祖

轅下駒

鄭當時轅下駒韓安國兩首鼠禿老翁竟斬汝廷臣
不語淮陽語君不見金家婦王家女一言殺兒還殺
母何況區區老禿且

栗太子

燕燕汝金銜泥向何縣遮天蔽日過長安堆泥作塚
高如山飛來未央宮銜取梁上土黃口見母來啞啞
張吻索虫哺

赤鳳曲

前赤鳳後雙燕頭岑岑兮尾涎涎組憤即君夜相見

相見騎白馬驚起城上烏城上烏據巢食兒夜相呼
短調歌一十一首

子夜四時歌八首

共懽桃下嬉心同性不合懽愛桃花色妾願桃生核
柳條宛轉結蕉心日夜卷不是無舒時待郎手自展

東右春歌

獨夕玉堦側仰看三星爛畏熱不歸房徘徊夜將半
鴛棹出驚流回撓戲消止擘破芙蓉花中有雙蓮子

右夏歌

涼風吹玉樹團扇置不理儂亦有涼熱何況戴冠子
摘葉累流螢應手葉先落本無牢根蒂虛怨秋霜薄

右秋歌

卽住西水頭妾住東北許何能冰遂合未免風波苦
雪飄悵難行室爾阻相覓不畏風色嚴畏此雪上跡

右冬歌

車遥遥

車遥遥遥遥復邁邁望見秋塵起不見車輪轉知在
秋塵裏

幽蘭

幽蘭敷紫莖羅列生堂基踰時君不采隔情當怨誰

掌上舞

晨遊憇陽館夕宴戲風臺盈盈掌上舞飛飛素雪迴

空同先生集卷第九

北郡李夢陽撰

詩 五言古詩四十六首

感述一十一首

雜詩六首

發京師二首

士哀詩 與客問答二首

贈寄三十五首

衛上別王子二首 贈徐禎卿

贈王舍昇二首 又贈王舍人四首

贈劉氏五首 贈徐陸二子

申州贈何子 寄康脩撰海二首

贈王生滇南

送姪木北上二首

送秦氏

送谷氏

別李氏二首

贈寧氏二首

送閔氏

長歌行贈房氏二首

憶昔行別闔侃

贈沈氏二首

送蔡帥備真州三首

感述一十一首

雜詩六首

燁燁雲中電流光西北馳僕夫夙嚴駕吾欲遠游之
出門履微霜四顧何茫茫豺狼當路達鴟鴞薄雲翔
改轍理方舟欲逝川無梁俛仰歲將宴愴惻涕沾裳

二

西國有佳人獨立青雲端容豔若桃李左右佩芳蘭
含思埋玉琴泠泠一何閑更節有餘悲曲終再三歎
借問嘆者誰中意難自宣沉吟攬衣帶仰視鳴鶴翻
思阻望不申何況隔丘山

三

柁棹蝕以傾梁棟誠獨難流言播四國周公有疑患
涼飈激頰景奄忽不可攀衆羽日續紘朱鳥戢其翰
殺身苟無益去去從所安傷哉式微詩千載起余嘆

四

明月照我懷耿耿殊未已霜雪委如山悲風中夜起

攬衣仰天嘆涕墮不可止下生抱荆玉指軀剖終始
青蠅倏來集白黑反在此城闕屹九重浮雲日千里
我欲竟此曲此曲悲且苦

五

淒霜變爲電二氣斂而藏天道有代謝人謀豈恒臧
北杓酌元化亭亭自低昂上帝棲紫宮衆緯錯以行
謂山蓋高有梯可陟謂淵蓋深有舟可涉自非雙黃
鵠天路安可躡

六

茅以韜爲席拍以勁爲薪君子憂治世愚者幸不辰
張置以待兔雉也蓄其身物理雖云殊惟脫各有因

浮沙卷奔壑朔吹揚驚塵日暮臨大道悵望曷能陳

發京師二首

正德二年春二月作是時與職方王子同放歸田里

驅車彰義門遙望郭西樹冠蓋耀青雲車馬夾廣路
威風何赫奕各蒙五侯顧回颺動地起白日倏已暮
棄擲委蔓草榮華若朝露良無金石交人生豈常故
締綌足禦冬誰念紈與素愾彼白華篇氣結不能愬

二

葛蘿附松柏枝葉固相因行子戀儔匹况遇同鄉親
北風起河梁日暮多飛塵攜手同車歸駕言西適秦
道遠長渴饑客子懷苦辛仰瞻天漢流夜永不得晨
駢馬媚其曹鳴鴈各求群明星出東方照易車下人

夙興卽往道登彼高路津還顧望京邑愴焉何所陳
士哀

問客何方來。四月發回中。繁霜墮百草。樹木如寒冬。
客行一何遙。客顏一何憔悴。舉目望關山。關山鬱蕭條。
少壯盡乘邊。崖谷何寥寥。戰馬不解鞍。弓矢常在腰。
碩鼠空倉。城上狐狸跳。咄咄勿復陳。更問北來人。
六月天兩霜。哀哉生不辰。

與客問答二首

門有萬里客。顏面帶風霜。左右佩雙鞬。意氣何揚揚。
問客何州士。逝將之何方。客亦不顧云。但言開中堂。
手持一書札。口口稱故鄉。長跪受書札。草字八九行。

上書親戚故下言別離傷

二

長跪牽客裾。故鄉今何如。客起長跪言。故鄉不可居。
墳壠旣蕪沒。寧復識田廬。鄰巷鮮故人。族屬半丘墟。
巖巖高山谷。今爲官路衢。主人聆客言。涕泗交漣如。
離鄉三十載。小女爲人姑。邈者日以親。遠以日以疎。
狐狸知故穴。牛馬知故陸。願爲連理樹。托根北山隅。

贈寄三十五首

衛上別王子二首

晨風應候至。雞鳴各嚴車。我今游宋中。子當旋舊閭。
僕夫理前綏。轅馬悲鳴趨。一別阻秦周。相望萬里餘。

首春霜露重厚汝征衣襦昔爲同袍士今在天一隅
故者日以遠疇能察區區

二

稅車朝歌里送子輝水陽群鷗起高飛凌風各分翔
敦交多故懷况乃憂故鄉征夫愁短日去馬知路長
童童孤生柏結根南山旁願言采此柏遺我心所當
良無白鵠翼何以得高翔

贈徐禎卿

獨處忽不懌攬衣循東廂樹木何脩脩春風起飄揚
我友駕在門告言適江湘倉皇挈玉壺追送臨河陽
顧瞻兩飛鳧並戲水中央翩翩厲羽翮鳴聲一何長

示河游客子一別永相望時澤亮有周天命固其當
薄終義所劣別離庸詎傷懿彼回路贈慷慨申此章

贈王舍人昇二首

迅風激高雲朝日照嘉林良友忽遠適惻愴摧我心
川原望靡極江路浩且深殊域寡親戚孤子故難任
荼蓼積愈苦淚下不可禁

二

攬淚瞻林末鞞鞞敷華葉層闐帶廣陌車馬暮相接
駢裾侈高會誰念獨立妾豈不思方舟川廣不可涉
對菲遺下體舉世重紅頰勸子且寧志爲恩孰周淚

又贈王舍人四首

送美城東陌還車望上陽觀闕百餘尺蓉城鬱相望
同在天一隅子今旋舊疆縱子故所居我馬立徬徨

徬徨亦何爲悵望遠行客枯桑號天風時節修復易
簪紋匪我榮棄置安所惜願爲東南風遂陌高翔翮

勁翮無群棲靈根豈叢櫛人生非苦匏安得常相見
動息各有因况乃異鄉縣徘徊岐路側仰視雲中鴈

鴈征會來歸君行何日返驚風飄馳光歲月忽已晚
登山采白苓遺我心繾綣上言制頽齡下言助餐飯

劉氏五首

晬晬吳中娥奕奕宛清揚迥避此堂隅瞻顧兩回翔
攘袖發皓齒列坐無高倡行雲爲徘徊順凡託馨香
周席莫不嘆側目在流光何意芳盛年峻義明秋霜
於禮誠銷薄銀漢徒相望

矯矯雲中鵠忽忽晨南翔連翩客游子駕言逝何方
霜露日夜零東路悠且長意欲從子逝我馬玄以黃
徒思諒無益欲置難遽忘愛子千金軀雙親在高堂

理輪國東門駕舟越洪洋晨發天北隅日夕至建康

皇居槩大清陵樹何蒼蒼白馬服衡輓飄飄過路旁
敦交豈獨薄貧賤多顧藏所志在寧親榮耀乃其常

四

青陽獻嘉歲玄鳥鳴我堂遠子念行役驅車發南疆
豈不誠辛苦王事切中腸駢駢泝原薄拊劍何慨慷
群形冒休澤朽榦揚朱芳君子法天造小人曷能臧

五

回車太行谷結轡登羊腸羊腸何崔嵬俯視見大江
大江日東注游子悲故鄉故鄉復迤邐欲濟河無梁
晨起振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸即棠也

清晨思行游駕車郭西門凝霜被野陸莽莽多荆榛
霖雨不歸川四顧無行人何意岐路側悵然獲所親
晤言不須更含意俱未申雲間富才傑具區產名珍
一爲時所知光耀在青雲情交苟不劣窮顯非所論
感激平生義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧
何異同心子失散在中路別君倏五載我髮忽已素
今逢不須更趨駕一何遽臨分但踟躕道語不及故
山川何悠悠白日奄欲暮努力愛玉體慰我長思慕

寄康脩撰海二首

晨步城西岡遙望終南岑荆棘高蔽天白曜翳以陰
雞食鸞鳳饑蛾眉讒妬深葑菲遺下體一別成飛沉
出門眺四郊莽莽悲風吟海水有可測傷哉誰諒心
少陰盛霜雪崎阻鴻鴈饑荷斧入林谷日暮誰共歸
林樹窈冥冥徑路多虎羆北斗橫塞岑邵野風振悲
欲往河無梁念子忽如迷榮耀在須臾亡沒誰復知
忠附玄鶴翼從子以高飛

贈王生滇南

人主如枯蓬團團隨風轉朝猶同一隅夕暮異鄉縣
鳳皇擇林遊奮翼思高飛一飛萬餘里路澁常苦饑

岑巒造青天蹊磧何凄窆食尋竹實餐棲必梧桐棲
德音倘不隳慰我心所斯

送姪木北上

群鴉競時食孤鴻獨高翔丈夫四海心誰能安舊疆
杖劍辭所親策馬登前岡歲晏霜露繁原野何茫茫
草枯禽獸饑潢潦浩以長感吟悲兼良試鳴候朝陽
勗哉樹名勲念茲西頽光

送秦氏

秦名文字從
商台州人

健足慕千里倦翮常卑安陶子重折腰貢生乃彈冠
黃龍日南游長江浩瀾瀾竹寶匪不甘鳳孤誰爲歡
故廬倚青松懸崖激鳴湍返真謝形役庶以成盤桓

送谷氏

零雨晨微微艾葉何旆旆端居輟中憂駕言送仁邁
黃河流湯湯飛雲下燕代臨汀羅觴俎起景徒傾蓋
轅馬望路鳴僕夫整衣帶執非金章客子也獨所愛
行行樹聲猷及此明良會

別李氏二首

逸禽耻淹棲良駟競先步出門有行游諸所豈得顧
辭燕戀舊壘渚鳩企高鶩情離誠有碎心期固其素
匪無便僂子新人不逮故踟蹰野飈夕分手即前路

二

前路乃何之迢迢夢雲澤霖雨暮戢戢鳴千且停祝

隕穽委川徑潢潦洁以白熒熒雙龍劍佩服我所惜
水行蛇虫匿陸邁虎兇辟願言奉心懽庶與徇朝夕

贈甯氏二首

野苒萎平吟寒露一何早凝霜一以零蘭蕙亦叢草
美人中夜興憂心怒如擣玉石誠靡別妍華恃疇保
瑟瑟谷中松見者豈不寶良無匠氏顧嘆息歲將老

二

白日何冥冥送子黃河陽執手無一言仰見雙鴈翔
處卑心罔怡奮飛多中傷撫劍兩踟蹰低頭涕沾裳
天運有銷盈志士懷剛腸去去愛景耀離別回其常

送閔氏

怛怛困暑溽悠悠抱中戚時蟬邇戶響流汗揮復積
登高散我憂忽覩遠行客爲問客者誰是我心所懌
律律佇征雲迢迢逐歸翮孰無室家念付爾懽聚夕
伊余胡寡仇皃皃痛離析

長歌行贈房氏二首

捷步競先鳴達人貴沈幾鴻鵠翅摩天於世常高飛
煌煌冠蓋朝踈也乃獨歸誰云傷秋子而爲鱸魚肥
彼哉扮榆儔豈知于仞輝

二

瀟瀟夏川廣驚風夕揚波眷言送誠歸軒騎匣中阿
倦鳥故林趨獸離懷前巢君看纍纍豈復華其柯

皓首聲利途攸見無乃頗

憶昔行別闕儻

憶昔少年時遨遊咸陽都邂逅塵埃裏相邀入酒壚
半酣擊劍起挾彈青門隅風蓬離本根奄忽浮雲徂
聚散良靡期晤言誰復圖濛濛零雨辰悠悠梁園途
翩翩白馬鳴藹藹朱華敷昔逢羨姿顏今也白頭顱
中藏難遽宣相看但捋鬚前路浩崎嶇愛子衰暮軀

贈沈氏二首

辭馬鳴故群羈人戀心知身也匪本石孰無懷與思
藹藹軒蓋途才捷競先時冥冥歸林翮爰集非無枝
龍蛇悟易訓蟋蟀感唐詩情感辰靡延把袂竟河涯

贈子金錯刀申子古別離德愛誠非他邁君豈無期

二

且日子當發淹留復今宵良乏美盤餐爲君品鳴簫
君子巖下松霜鬢不消衆草苟移時化爲艾與蕭
聆曲覆不憚倦焉傷迢迢攜手步前庭仰面看招搖
巢子潛箕陽四岳俞唐堯顏言脩九苞曳佩鳴天朝

送蔡帥備真州三

晨颺下巖霜波水白浩浩雞鳴人語動趨駕恨不早
出門望原野四顧但衰草芒碭一何寥驚鴈鳴寒蓼
老驥志十里烈士輕遠道臨事毋謂難爲善豈在小

二

舟逾長淮登陴望大江氣勢何鬱盤皇矣真我邦
宮殿槩高攄山變青蒼橫颺靜霜夕天塹如沸湯
時平智士拙貨賤良賈藏無言邊境動寧居亦慨慷

三

隕霜凋楓林澤藪莽虞虞結徒策青驪行狩聊我娛
左發殪玄兕右捎仆文駮插羽坐草間飲酎炙鮮腴
川光夕明滅鴈驚風叫呼立馬千仞岡仰送浮雲徂
彈劍問所私何如李金吾

空同先生集卷第十

北郡李夢陽撰

詩

五言古詩五十六首

感述二十四首

最時命篇

離憤五首

赴江西之命初發大梁作

雜詩

雜詩三十二首

感述二十四首

時命篇

代馬不戀越荆禽豈巢燕鷓鴣渡汶水君子憂未然
奈何客游子率爾辭故山行獸顧丘林出雲有歸還
交交聲利途軒車日駢闐誰令牛下人悲歌夜中嘆
豪門有棄襦我衣恒不完張儀懼諸侯泄柳乃閉關
貧賤豈盡愚時命當自安

述憤一十七首弘治乙丑年四月作

是時坐劾壽寧侯逮詔獄

天門鬱嵒崑虎豹守其隅番番九苞禽頡頏舞雲衢
銜書奏至尊青龍與之俱光夕絕還響徒倚空愁余

二

帝居杳何許蒼蒼隔九閭白玉爲阿閣黃金爲重門

可望不可扣仰見飛雲奔何當發炎旭下照孤葵根

三

鞞響久不作烈士常苦辛魏裾已寂寞漢檻空嶙峋
邈焉向千載忽忽懷斯臣皇心苟識察百死寧一身

四

懸車曜回景夕風起喬林撫茲散沉憂浩蕩開重陰
迴翔瞻闕門躊躇思玉音宵坐熠明燭懷古傷我心

五

大化罔不虧人生固多艱汎觀疇昔人浩然發憂嘆
自非餐霞侶伊誰駐朱顏律律嵩山岑拂衣會當還

六

孟夏草木長垂雲一何淒零雨宵始歇西山朝復墜
元然坐高春時聞鶉鳩啼逢辰寡宿懔履運傷前迷
既無杯中物何以寫我悽

七

飄風自南來颭七入我懷我欲隨之翔北向三重堦
守閭遙望余閭闔何由排戚戚勿重陳危言多厲階

八

夕雲鬱崢嶸頽陽入西丘返景漏林端明我屋上樓
靜久得玄理源澄復何求永懷鄒陽子聊以抒我憂

九

苔井肅陰森獄廟閔以清車前當路翻紅葵夾階生
羈人散煩疴紆舒步中楹時禽變好音庭柯敷夕榮
詎知沮洳場曠然獲悠情

十

青青廟中槐交交一雙禽爲巢育其兒結構良苦辛
一朝驚彈羅移棲向高林我行適見之嘆息空彌襟

十一

湫宇夕陰陰寒燈焰不長氣棲遞微明飄忽如清霜
人云網恢恢我胡寓茲房墉鼠語床下蝙蝠穿空梁
驚風振南牖徂夜倏已央於邑不成寐展轉情內傷

十二

小草生枯桑芊芊競芳辰雖云殊本根寄托各有因

自我罹幽囚忽焉經浹旬我兄千里餘渺渺長河津
妻子日望余蒼蒼隔西鄰所幸二三友笑言越昏晨
宵鐙促燕膝昵語忘苦辛患難苟相得毋論骨肉親
入云 十三
檐月何徘徊晨風復依依載言別同居倉皇倒裳衣
處者各惆悵去者從此辭挽手刺刺語寄言家中知
丁寧故與親願勿長相思明明昊天威我父寧在茲

十四

皇矣彼上帝赫赫敷明威四序舒以慘中有玄妙機
燭龍躍天門一朝景光回昔爲霜下草今爲日中葵
稽首沐罔極欲報難爲詞

十五

明月出東方徒行反家室室人走相譏問我何由出
明知非夢寐欲辨仍自失喜極雙涕零轉面各銜恤
垂鐙照紉卷浮埃滿朱瑟愁言卒未傾忽復見晨日

十六

鳴鑣踰廣陌執簡謁彤闈道逢相識問倏如遠行歸
虎拜閣門下龍顏霽晨輝二后邈以迢吾皇嗣其徽
從諫如轉丸旁求炳先幾令聞洽四國壽與南山齊

十七

臣本草野士弱冠承恩私黽勉簪紱間低回報容姿
直湍寡回波勁木無弱枝天運不易測物情諒如斯

空同全集 卷十 四
修塗方浩浩駕言赴前期

離憤五首正德戊辰年五月作

是時閹瑾知劾章出我手矯旨收詣詔獄

采采河邊蘭鯉魚何盤盤念我同胞人訣絕摧心肝
事變在須臾浮雲逝無端臨發路踟躇誰敢前爲言
原鷓抗高聲我行何時還十步九回頭淚下如流泉

二

練練晨明月鬱鬱風中柳蒼茫遮我車識是平生友
感君故意勤贈我雙瓊玖虎狼夾衡軛狐狸草間走
東方漸發白聊歸勿爲久天威煽方處君子誌其口

三

北風號外野五月知天寒海水晝夜翻南山石爛爛
丈夫輕赴死婦女多憂患中言吐不易拊膺但長嘆
永夜步中庭北斗何闌干裂我紅羅裙爲君備晨餐
車動不可留佇立淚汎瀾願爲雲中翼阻絕傷肺肝

四

驅車重行行前上西山陞白日忽已冥歸鳥來何遲
飄風吹征衣北逝方自茲行路見我行不行爲嗟咨
苦稱途路澁君子莫何之欲訴難竟陳天命自有期

五

香草

結髮事君子締結固不解青蠅玷白璧馨香逐時改
恩阻愛不周棄擲良在此紅塵何冥冥白日淪西海

對而有訣絕。何況萬餘里。得寵各自媚。誰爲展情理。
訛言方媚興。君子慎其始。

赴江西之命初發大梁作

戚戚辭故里。盛陽遠行游。入門揖兄嫂。征馬已駕輶。
日午登前岡。浮雲逝南流。零汗透衣巾。僕夫行悠悠。
軀微懼命重。慷慨但懷愁。還望故所居。正鳥鳴相求。
而我獨何爲。道路常懷憂。

雜詩三十二首

英雄樹大業。奮志常慨慷。捐身赴國仇。效命爭戰場。
明甲耀皎日。挽弩千石強。矢石下如蝟。殺聲如沸湯。
被刺目不逃。沾危氣益昂。雄名輝冊符。生死固其常。

二 香草

大司肅制度。鴻儒振英儀。生殺原異門。爲歎視厥施。
峩冠巍堂上。巧笑美容姿。狐心生暗鬼。耳聞佯不知。
膏梁媚妻妾。無賴充玉師。白刃起如林。狗馬用羈縻。
榮達信有命。嘆息將奚爲。

三 錢

共工觸山折。夸父去無還。媯氏懷憂傷。鍊石思造天。
妖姬鼓哀瑟。嬉戲玉臺間。草昧怨無侯。哲者中自煎。
小鳥填巨海。蘆灰遏洪川。力誠有不及。心情長可憐。

四 錢

昔余曳鳴珮。謁帝扣天閭。聖人垂衮衣。賡歌庶事康。

鼎成不我顧奄忽驅龍翔生死變化理反覆開存亡
榮華有銷落連茹切微霜晨朝在須臾返車棲扶桑

五

命駕將何之意欲快我心蠻方亂如麻匈奴寇榆林
輝劍誓俱亡彼軍忽如沉豈爲尺寸勲國仇怒至今
崑崙貢織皮鴟鴞懷好音功高固不賞讒妬來相尋
哀哉險側子傾詞誰見欽

六

大道竟焉陳末運快相欺讒疑進貝錦交亂令心悲
鴟鴞翔茂林烏鵲遊下枝人情有偏好觸意生乖離
長門緒清吟魚肉怨新詩玉分石見仇咄嗟當語誰

七

遊遊寫憤懣駕言凌洪濤洪濤非我遊改馬登山椒
朔風一來至林谷何蕭蕭鬼怪時以興雲逝誰能招
禽鳥相聚鳴原獸復晨號置此勿徒苦乘雲可宏翱

八

有衍東園椒結實何纍纍條遠敷不易斧者見行摧
燕雀本小鳥志欲翀天飛哀哉不自諒失路將安歸

九

悲風厲歲晏宵旦未云已寒冬雨雪至江漢驕南紀
臨堂翳孤松杳杳嘆成理涼潦不溢澤時鴈鳴高起
一飛摩青天倏忽乃萬里訊言蓬蒿士杳杳竟何以

鼎成不我顧奄忽驅龍翔生死變化理反覆開存亡
榮華有銷落連茹切微霜晨朝在須臾返車棲扶桑

五

命駕將何之意欲快我心蠻方亂如麻匈奴寇榆林
輝劍誓俱亡彼軍忽如沉豈爲尺寸勲國仇怒至今
崑崙貢織皮鴟鴞懷好音功高固不賞讒妬來相尋
哀哉險側子傾詞誰見欽

六

大道竟馬陳末運快相欺讒疑進貝錦交亂令心悲
鴟鴞翔茂林烏鵲遊下枝人情有偏好觸意生乖離
長門緒清吟魚肉怨新詩玉分石見仇咄嗟當語誰

七

遊遊寫憤懣駕言凌洪濤洪濤非我遊改馬登山椒
朔風一來至林谷何蕭蕭鬼怪時以興雲逝誰能招
禽鳥相聚鳴原獸復晨號置此勿徒苦乘雲可宏翱

八

有衍東園椒結實何纍纍條遠敷不易斧者見行摧
燕雀本小鳥志欲翀天飛哀哉不自諒失路將安歸

九

悲風厲歲晏宵旦未云已寒冬雨雪至江漢驕南紀
臨堂翳孤松杳杳嘆成理涼潦不溢澤時鴈鳴高起
一飛摩青天倏忽乃萬里訊言蓬蒿士杳杳竟何以

十
晨出進賢門南向望東鄉清川激崇岑彌野何茫茫
白骨皜四隅群鳥噪枯桑闔門已殺戮鴟鴞復來翔
日晏時易冥漏網頓天網思此愁我心還車眺河梁
玄鶴靳高鳴於世常激昂一逝聲影滅誰哉見孤顏
十一
登山望四海日夕忽至沉俯身眺城郭痲然沾我襟
交路夾芳蘭逝駟何駸駸朱樹藹閒榭奇巧媚荒淫
北里進異舞高唐呈妙音織羅振芬芳朝雲逾嘉吟
不見秋至草零落愁春心

十二

兀然坐空堂戚戚恒竊悲曠世懷一鳴燕雀翻見欺
惡名收范公文致詆朱熹身親罔自明萬世余焉知
霜露墮華草顛顛今其時百年俟論定恃此良可嗤

十三

倚閭遲佳人日莫期不來拂衣舍之去去上延秋臺
旗旌蔽原坂鼓角鳴且哀黃鵠翔不下腐鼠鷗見猜
壯士憤國難撫劍但徘徊白日倏西傾愴惋肝肺摧

十四

香草

灼灼綴枝華榮豔一何好朝陽溢其葩餘光照寒螭
冠蓋沓衢路致身競先早磬折名譽塲銷鑠成醜老
一夕不復晨隕落隨秋草逍遙可竟世繁華詎足保

十五

陽回杳無朕朔風振江郊翩翩者何禽銜枯創新巢
長短有成理環也特其遭窮者非盡愚顯豈皆賢豪
羲陽奄西馳今夕明復朝如何途路子得意怕白驕

十六

無榮亦無辱倚伏還相隨韓侯嘆良弓寧復歎昔時
華春敷明陽各艷容與姿孤松秀嚴冬歷世誰可期
照耀東門瓜前貴今豈知較計毀譽間無乃賢達卑

十七

昔有玩世士乃處匡山阿其人久已冥春林發煙蘿
故址粟里旁見者不忍過荷鋤豈不苦刈薪行且歌

詆毀日來加醉酒良靡他沉冥在一時千載固難磨
小兒爲督郵磬折將如何

十八

昔余遊滄南曾上升天臺茲也誠玄冥萬里悲風來
松柏摧路旁玉梁安在哉舉手招王喬三洲限蓬萊
黃鶴舞高岑清雲曳徘徊嘆息長久術愴惻令人哀

十九

玉梁不可遊回登懷玉顛應龍噴白霧接我升雲煙
憑軒望四海溷悶良可憐可憐者誰子白馬來翩翩
聖哲困糟糠庸子驚輕軒嫵婉逞一顧力違成過愆
傾城亦何益益傷哉誠嗟嘆

二十

黃塗亘東西六龍駕天車一馳濛汜間百計無奈何
彎弓倚扶桑抗手招陽戈浮雲徂我前逝鳥鳴相過
鳳凰愁丹山溟海日夜流行行欲安之念此紛滂沱

二十一

今日苦炎熱風零可徜徉亭亭一孤松乃在匡山陽
李公宅深冥朱氏揚其芳仰身攀林巖俯之淚數行
勢路紛狹斜隨利來相戕命駕且復去誓與朱鳳翔

二十二

貴賤各有命昧者苦保持殷勤話言接轉面不可知
一言相千秋冠蓋赫來馳鷄雀鳴梧桐喻習鸞鳥飢

雞鳴市朝動董生方下帷

二十三

惛惛懷坦途由之乃江河波起旁所駭舟中如室家
中林設暗罟鴻鵠逝九阿讒巧誠相成飛鳥日暮過
脩短自然理作色將誰何

二十四

匡山有老人自稱巖下公綠髮渥朱顏皎若雲間鴻
往來騎白鹿姿羨精內充招我將從之心阻難遽通
流情復高翔翩翩駕天風夙昔思此人寤言明與同
感此重狂顧德音常在衷

二十五

香草

騶虞不食草志士寧苟安矩步揮芬芳凜義不可形
吐辭程大猷妻子常饑寒中心思美人遙夜起長嘆
延頸望西岐欲鳴途路難躑躅待天晨宵夜徂漫漫
明月鑿房帷涕淚交沈瀾

二十六

臨事戒憤切憤切增煩心君子被短褐小人富黃金
璇璣造變化何浮不有沉不見遊波蛤前是簷中禽
池鷗奮羽翼倏忽四海陰沐浴濠汜間飄飄終鄧林

二十七

少年撫長劍放浪三河濱纍纍道旁者云是金鄧墳
欲翕隨龍飛策符登茂勳南陽多貴人烜赫闐朱輪

委身今黃土千載不復晨首阻叻有采薇餓死誰爲聞
遺義凜秋霜見者常酸辛

二十八

自聞鷓鴣鳴於心懷憂傷陰氣馴以厲庭草墮繁霜
早蘭萎不榮瑟風遊素商浮雲晝易冥白日時漏光
登山期所思反見高鳥翔蹠蹠豈規步訛言倘壽張
揮袂層霄間撫劍增慨慷

二十九

昔余挾詩書京里揚鳴珂敷藻藝林間結交聚邊河
豈云傾人城絕代耀姿華分散倏老醜孤遊江湘阿
出攀芳桂林倚岑揮浩歌荆榛蔽丘原浮雲一何多

靈劍有合并詠言傷蹉跎

三十

莫笑一杯水覆地東西流人命若飄光超忽誰能留
藜藿足充饑巖巒可遨遊衣文附靈犧莊子誠見着
黃雀乾下庖白刃臨九州一爲華屋吟俄頃歸山丘
脫身幸及今世事如浮萍

三十一

毀譽不可校校之心煩悲榮名蓋一世千載誰見之
塞翁失其馬馬歸駒來隨生死尚無常萬事誠塵灰
舒嘯飲醇酒聊與玄化嬉

三十二

窶人困貧賤怵怵常自悲達者競先步所苦名位卑
且榮昏暮零二者誰復知二者不可知懊惱將何爲
不見曠世子埋沒隨蒿藜

空同先生集卷第十一

北郡李夢陽撰

詩 五言古詩四十首

感述

渡漢五首

雜詩三首

轅駒嘆

李廣

豫生

怨歌行

詠古鏡

葑菲嘆

有夢

雞鳴篇

馳景篇

時序篇

歲晏行

苦熱篇二首

潛龍篇

孔翠篇

有鳥二首

卧疾二首

值雪詠懷

至後上方寺酒集

上巳海印寺二首

秋日重過上方寺

春日洪法寺後岡

苦寒行

京師元夕有懷丘子兼憶舊遊而作

元夕友人見訪

月夜飲別徐氏

行省樹下

感述

渡漢五首

好游良有殫今朝竟言歸洶洶舟下濤亂之將疇依
異途各為趨同木相隨一飛適觀千仞禽誰復瞻其輝

二

萬事雖貴豫數極誰竟猷竭來彈我劔且復三河游
迤東望濠梁慨言懷莊周黃鳥孰興篇枌榆迺見尤

三

於心懷佳山背之每自顧相逢鮮久要那得不念故
塞翁罔憂馬馬歸人始悟游女非召南千年沒貞素

四

霖雨濡我軌寒潦何滔滔墳畝峻徒悲漢流怒洪濤
思羨嘆晨夕欲濟難容舸限隔豈固逖踟躕為誰切

五

閑登古樊城回望峴首山鷄雀躍寒蓬疇念朱岑翰
小人競錐刀羊子廼探環智愚固生性融晦靡我嘆

雜詩三首

宛宛春田鳩飛鳴柔且閑一朝化為鷹肅肅厲羽翰
衆禽不敢並孤立秋雲端鳥既不自知人胡究其然

二

縣縣谷中葛引蔓在脩楚脩楚伐為薪葛也安所附
豈無絺與綌可以禦清暑烈烈嚴冬時憂君乏纊絮

三

汎汎河上舟摇摇靡攸止我欲維此舟川廣不可洑

振振鳧與鴈棲食在波水豈不良幽冥夙心耽樂此

轅駒嘆

世徑互險夷富貴安所需昔為櫪中駿今為轅下駒
白日仰悲鳴青雲立踟躕未蒙主人顧何由効馳驅
朝思碣石津夕睇流沙隅常恐侶凡蹇棄捐中路衢

李廣

顧揚

李廣昔未遇射獵誰見稱君主猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郡符飛蓋赴北平凭軾覽百邑樹羽寧千城
亭障不設燧櫪馬躍頓纓彎弓射虎歸淡淡黃雲生
自從結髮戰舍鏑無虛鳴威懼五單于胡人寤寐驚

孰知身運乖數奇竟無成壯顏逐年衰白髮忽見嬰
寄言雄圖者俟命莫吞聲

豫生

士有氣相感殺身酬所知伯氏旣謝世族姓無子遺
噬炭甘若飴漆身亮何爲生旣荷君遇沒敢求君知
仇聞再三嘆攪淚惠新衣玉劍四五動左右神爲摧
愴哉彼流水迄今爲鳴悲行路佇嘆息芝蘭繞墳基
人生固有畢節義誠難虧

怨歌行

怨違情有悲懽聚理無欺懽怨非中則感離難重持
纔見春華交倏已晨露滋秋風吹羅袂團扇不復施
團扇與羅袂用舍各有時炎寒啓迭運超曠多遠期
勿徒嘆捐葉恩愛倘中移

詠古鏡

熒熒堂中鏡皎皎懸櫺月寵移明與奪勢滿光仍缺
美人昔提攜拂拭生皎潔用以本君子義投物不忽
良無刮磨費豈謂遽乖絕悲故情自慙爭妍道所劣
掩抑經冬春燕蝕怨芳節黃鳥及候吟朱蘭有時歇
推移準運理顯晦遵前哲顯晦亦何憐所嘆在乖別

對菲嘆

菁菁田中葑與與疆上菲托根豈誠異敷葉爲誰羨
采掇女心嘆遵路勞情理鮮莖入素手終朝不盈筐

置之獨長惋。技淚沾衣裏。白華肇卑薄。谷風啓怨誹。
色衰使交離。棄美因下體。空瞻寸晷旋。倏見嚴飈起。
徒持履霜戒。誰念禦冬旨。吟嘆非貞喻。托物聊在此。

有夢

濡迹古梁郊。托茲洪河疆。流景逝不處。衆草忽已霜。
玄雲駭崇原。鳴風激空桑。侯予竟此夕。念獨涕活裳。
人欲天必從。神交詎無方。解襟即幽窠。執袂奉頽光。
道睽未終已。舒體各異鄉。鳴雞在東壁。薄月墜空床。
精誠諒有合。暫違寧詎傷。

雞鳴篇

宛宛天運周。雞鳴夜復旦。疾者寡長寐。思者多寤嘆。

癡憂積中腸。緒理一何亂。衆人皆經營。君子樂行行。
高山變爲陵。深谷化爲岸。願從詹氏卜。乘槎問河漢。

馳景篇

小至方浹辰。居然屆寒臘。澄空暮霜歛。雲物恣吐納。
眷念河關阻。悵望三川楫。城陰多悲風。馳景杳難接。
遙憶鹿門駕。緬軫馮驩缺。

時序篇

邈矣時序邁。悠悠羈思懸。少歲覲飛龍。振步躡雲煙。
揚芬凌紫霄。結駟覽黃淵。王綱祇以穆。四海屢豐年。
晨趨謁雲陛。晚沐躋京塵。流觴擁華館。藻翰飛陽春。
逸者眷多暇。壯士耻無聞。徒閱芳華改。何有尺寸勲。

日月不我待倏忽星運移抱疴屈茲夕憮然傷夙期
玄髮難久恃毋令達者嗤

歲晏行

歲晏幽陰積寒霖夕館空浮雲起城闕浩眇安可窮
悠揚橫太虛回薄蔽鴻蒙我有一叢蘭種之良亦難
飄風忽來吹零露苦相殘勸君留此草蕭艾不可寶

苦熱篇二首

大運互伸縮二儀每驕蹇陽威苟不烈陰馭何能反
避暑躡清榭拭汗望幽巘密綠曠豐林萋蕪萎脩坂
逃飲豈其性對食不能飯嗟彼馳騁子晨暮各忘返
執熱古有經愚智詎相遠何當蘇海宇余亦遂仰偃

二

伏陰會當升愆陽固有期墻茨覆鮮實蟪蛄夕以哀
所虞大火流卽值涼霜催軒轅製六律大舜彈鳴絃
四氣爲之和民生寡憂思古理日云邈季運安所師
我懷良已永炎曜况倭遲願言惠清飈颯然均此施

潛龍篇

驕陰不可制堅冰憂我衷陽馭倏來返玄律播陰風
譬彼晝與夜循環固難窮古人閑行旅九市禁相通
陽升懼不力靜以收其功養木當以萌養德當以蒙
眇哉一絲微奈此群陰攻脉脉淵泉底疇能拔潛龍

孔翠篇

空同全集 卷十一
孔翠耀其羽迺爲俗所珍神龍處九困潛躍固有因
小人役瑣屑君子揚其芬遐哉頽閔烈千秋灑靈霽
出事金玉昆入奉堂上親恩義苟不虧豈必饌芳薰
爰騁六藝圃載泳詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼
白日蔽高陸玄陰視無極風飈晝烈烈積霰墮我側
星紀雖云周沴氣尚難測逝者一何速來者懼不力
杖柱生道左孤桐棄遐域雖懷壯士情詎補陽和德

二

一爲羈旅士遂使年歲積人情感新故慘慘不得釋

夜視天上星翳翳雲霰隔陽道卽光明何由布德澤
離居多隱憂悵念在今夕借問悵念誰是我同袍客
豈謂涼暄殊所嘆阻疆場緘書寄游雲會托南征翮

卧疾二首

寒飈振䟽牖十日歲華改王孫怨脩路芳草若相待
寸心百慮嬰移疾屢朝晦范甌蛛網生翟門雀羅在
嘆息中林蕙望望何能采

二

眠疴感歲晏中意長刺刺展策不能讀對酒寡懽懌
晨風激幽林堅冰滿川澤短景不可駐倏忽變昕夕
飛雲迅南征歸鳥厲其翼地北常苦寒寤寐想溫域

值雪詠懷

索居倦晨暮沓沓傷歲窮玄雲爲誰也流霏夜常風
映隙旣窈窕穿窗亦玲瓏凌高似有綴填卑忽若崇
哀多雖稱物益寡竟誰功匪無盈尊酒酌酌解我忡
途路悵伊阻佳期杳莫同握瑾惜楚老投瑤怨國風
人欲天必從精感理能通鍾絃曠易絕郢調寡彌工
持爲知音說庶以折其衷

至後上方寺酒集

久陰晦昏氛我行值嘉明白日展冬耀雪霽松林清
景異賞貴延朋集杯難停入筵午未端歸騎夕已冥
衝風振巖廊鈴索抗高鳥塔虛響先奔珠圓光易傾

翹物慮可澹遺榮累果輕久枉証詮埋一悟得所微

上巳海印寺二首

勞生苦役役况乃值溫陽林園有嘉榮蹊渚生柔芳
秉簡迹已陳袂襖難獨忘駕言適蓮宇迂紆陟虹梁
我宮延暮色陂樹藹青蒼詎知幽勝區占茲佳麗鄉
居然心境寂彌增塵路傷

二

眺遠及麗辰登危開我襟秉炬躡佛榭杳杳夕光侵
芳湖遽澄鮮幽隍覆層陰景沒長甸輕霏變春岑
仰矚雙龍闕却瞻上苑林歸翼矯以翔鴻鴈多哀音
蒼蔚杳李塲孰分松柏森

春遊篇二首

東氣散廣陌北杓指青陬美人惜春陽鳴鑼事遨遊
遨遊覽萬物紆遲駐道周京邑藹九衢合沓喧輪駟
黃鳥集于林碧草生御溝御溝多垂楊芳樹夾朱樓
卑崇冒休澤鬱哉帝王州

朝遊東市陌暮出北城衢夕林何嶸岑華月耀西隅
宵征泝皇垣迴策遵玄湖春冰日以薄鳧鴈聚喧呼
逶迤浦淑貫金利據中區前有三石梁宛若垂虹紆
却顧雲中觀翳七蔽松榆

春日洪法寺後岡

暄陽入廣墟平阡暖煙蒸無稅鞅尋高禪陟丘眺神都
白日麗中衢青霏藹林岨碧草一何萋叢葩亦已敷
縈纍誰氏墳嶙峋三浮圖鑿石錮九泉紺構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

秋日重過上方寺

居閑懷行游觸景慨時速昨來春華敷秋草倏已綠
弱蘋布霜漣叢蘭委寒陸纍果媚西陽漂籜滿空曲
物遇信緜曠情移乃躑躅夷猶步前庭迤邐陟魯麓
夕風一何厲行雲結相逐鐸音抗高聽塔影駭流矚
聿非封侯骨虛疑燕頷肉飛纓靡不榮芒屨諒應足

寄謝世上人吾久脫羈束

苦寒行

白日歛光曜北風如劍刃澤堅走鳴車冰雪峙千仞
登高望四海四海水將結蛟蛇壅巢窟虎豹潛於穴
嶺岼太行谷蒼莽陰山戎沙磧晝飛霜壘門吹烈風
鳥雀墮巖壁黃狐嘯空城居人掩關卧客子無復行

京師元夕有懷丘子兼憶舊遊而作

名都鬱堦壘浮雲陰孤臺宿昔與丈人攬袂凌崔嵬
延眺殊未已明月從東來俯身覽九陌車馬何誼脛
朱門競笙竽鐘鼓趣行杯詎知前代人寒隧生青苔
金珠委瓦礫鉛華安在哉沉冥日云富感激令心哀
丈人方岳裔夙質謝塵埃婚嫁慕向子幽棲放顏坏
七十尚蛇蟄白衣潛草萊嗟余糾簪紱俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繾綣非我期
金波低宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬謁從徐氏飲置酒臨中除
明月一何光衆星爛高虛中有參與商相望懽不舒

空同全集 卷十一
人生雖有權詎得常相於夷猶廣庭內惻惻慘子祛
哲人重明德邁士懷離居離居諒復合行矣慎所須

行省樹下

中林溽雨積蕪徑暑日薄衆鳥集于樾鷓風眇焉託
披雲矚岑觀縹緲三阿閣踽踽懷昔賢擾擾疾焚錯
夷猶攀榮柯慷慨念幽壑

空同先生集卷第十二

北郡李夢陽撰

詩 五言古詩四十四首

贈答三十四首

贈四子

贈姚員外二首

贈張含二首

酬提學陝西朱君以巡歷諸什見寄

酬秦子百泉之招人事羈滯頗興延阻之嘆

五首

將赴南邑借丘長公申車

襄陽篇奉寄同知李公

寄題隴州閻氏林亭 送張六還京口

送裴生京師

贈李僉事衢

將赴江西寄別設伊陽明府

鳶山訪汪氏因贈 冬日撫州贈友

內第玉園庄歸

悲悼七首

內第左國玉挽歌 改營外舅大夫園域

熊御史卓墓感述 徐子墓

溫太真墓 澹臺威明墓

孺子墓夏謁

詠物四首

孔廟松

犬詩二首

詠信州茗和鄭子

贈答三十四首

贈四子


絲絲遠道積冉冉歲華晏冰霜夕轉嚴星斗夜仍爛

蘭缸照寒戶旅士懷鄉縣方幸厠鱗翻詎謂各分散

岐路忽在茲山川復悠緬王子萬人特英論薄煙漢

康生千里足邁景速流電瑰瑋欽奉常秀明推中翰

冲標汎光蕙逸思凌玄鴈所嗟異根株逝矣悲霜霰



原件短缺

P3

每言念睽晤佳期阻惟宴

九子詠九首

序曰九子者皆天下賢豪人也今乃合余於孟氏之堂祖行也慕義傷離悵然有感於前遊於是作九子之詠

劉戶部遠夫大謨

遠夫振英駕乃自儀封里孟復旣鷹奮秉衡亦飈起
獻賦擬楊雄彈鋏笑馮子時異各睽隔蓬轉自茲始

王戶部遂伯

紱

矯矯王遂伯深心托玄素豈謂萬里空見此天馬步
獨行迺流議苦忘涉煩務曰余駕鈍姿倘辱導前路

高鳥厭群飛孤雲恒自輝綢繆誠靡乖何必久要期
顧蓋有芳訊白首則見疑蘄蘄龍沙濱風波暫徘徊

二

零濛不澤物衝風夕曾波送歸念維楫眇言望江河
鴻逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄
入心重攸愛酬德視其施伊茲匪不辛所急非睽離
晨飈望我帆夕也宿共涯浮月每皓皓逆雲遞逶迤
情淵分有窮愴子當分再昔爲何池萍今向東西開
六別峙崑崙林蟬暮何哀俛首前逝波倚艦各徘徊

贈張舍二首

已嚴蓬池駕遽返夷門歇商風動榮草簷雨鳴不絕
客病良易積况值變華節悠悠城西館倏爾雙經月
昔至體流汗莎雞傷戶聒子也苟寧志川廣豈難越
流光逝忽忽天地一何軋六月子來至月也今已八
客子悲遠道時氣侵肅殺豈不念爾單室邇泥路滑
三日兩賡歌一日一通札寂軒倚衰柳奈此夕鳴蜩
父母不下堂歸軫何時轄

送張含還金齒

百憂誰自排感之輒復積亦知別心苦所奈惟愛客
迢迢西南夷嘆子此行役出雲懷舊山倦鳥厲歸翮
時情苟靡遭勉合亮奚益還道尚云遠去去加食飯
勗提學陝西朱君以巡歷諸什見寄

煌煌百二宅懷里念前都孰無雍門哀恨役久長途
登賦時有望所苦言辭麗自蒙新什惠披玩忘晨哺
疏越發潛響爛若湍錦舒慙亦作者末欲畫安我愚
劉回中吟宛遊秦隴隅清渭韻泱泱南山筆巍如
誰云篇目寡已包千里餘讀旣搖我心倘附西飛鳧
鼎泰子百泉之招人事羈滯頗興延阻之嘆

五首

暑阻慮難周絃促調不緩風零徒情嘆濯熱爲誰纂

昨在泉上期結念在晨晚折花信延佇欲往心莫展

二

心展會有時跡乖難重期自我別林岑倏焉周二期
物靈賞不延神往情詎移想像北池遊回橈驚南漪

三

南漪亂渚烟北池弄清漣芙蓉發錦苞白石響礪泉
慮澄美莫致景入情更牽攀英遲來迹倚壑 嗚周旋

四

周旋懽莫同回策入雲峯陽崖亘積雪六月如嚴冬
若人竟何乘孤遊邈難從倘遇仙潭鯉露我躡雲蹤

五

躡踪誠靡尋佇瞻勞我心高高望雲霓橫絕天中岑
遊泉藁昔女隔阻匪惟今投桃遣來使倘惠瓊華音
將赴南邑借丘長公巾車

北遊情未斂初吉復南驚積疴畏登涉坦馬憚脩路
控銜力不任執綏性有慕願躡高賢轍懼在邯鄲步
諒茲無憾心庶慰車中顧

襄陽篇奉寄同知李公

晨登大梁城南望襄陽郭漢流趨何急樊山氣參錯
樹高風來集道大惟淹泊投沙理雖迫召賈恩非薄
幸且便山郡聊遊謝羈縛仰攀躡孤岫俯眺聆大壑
寒江斂夕霽遠岩映林薄習池宴山簡英寮敞翠幙

空同全集 卷十二
偶同攜葛強飛翰凌觴酌歸聞銅鞮唱行和峴山作
覽跡驗物理觸嘆徒今昨沉憂亮無益流坎任所託

寄題隴州閻氏林亭

出處信不易卜築豈在遠聞君壯年日頗此遂仰偃
創基倚北阜開窓面層巘雜樹莽蒼蔚長流激清淺
跡異願不隔路阻日遂晚愉悅各殊趣幽意不逮顯
春風翻深谷裊裊葛葉展代耕與灌園垂老付所遣

送張六還京口

雲黃風色歇送子逾脩吟野風吹江樹波水清且緊
歸舟本自驚况值順流德金山會當聚別暫情可忍

送裴生京師

大江積風雨驕陰久我仇懷役念戈及潢潦憂中疇
戚戚感物慮况子行遠遊鬱哉朝宗心殷勤眺風洲

贈鄭淳

路縣家室怨久別誰柰苦荏苒及春孟冰消舟莫阻
臨觴嘆河邁指景趨前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃嘆息誰為音
竊祿非我志隨風豈能任所以棄朱紱窮年卧空林
君子枉榮顧駟馬一何駸輕蓋蔭白日軒車匝庭陰
宴晤及春期列筵享同襟日快淑氣草耳聆悅時禽
肴至弗徒歸觴舉恨不深末路校通塞鑿止無飛沉

空同全集 卷十二 七
託意誠匪殊在遠固宜欽願言附松蘿子其斷堅金
將赴江西寄別殷伊陽明府

引年豈必老求志不在奇曰余逾壯齡遭斥還山棲
事與北門合跡擬東陵齊滅音謝人徒四暑忽逮茲
向平果遺榮謝安終徇時詎意值嘉運末照及葵藜
簡書下我廬急遽誰得辭迢迢江西帆別當首夏期
束裝逐流潮改服團炎颺情鬱爲念故寄重慚余卑
虞絃改自調孔鐸湮誰持江漢誠暫浮匡廬寧久羈
返貞意已堅抒懷告心知

鳶山訪汪氏因贈

昨余發弋邑急霰舞鳴湍難高果莫泝改騎凌層山

山層水復曲歲晏嵐風寒捫蘿冒嶮艱踏冰涉洄沿
日入達平夷倏覩君子關清溪交遠坳高松夾路間
遺榮靡所希時仕義乃詮未羨焚魚高頗欽奇字傳
矧伊連枝芬慰我同心蘭綢繆促宴竿曙猿響南巒
冬日撫州贈友

晨光鬱將布時嚴氣自懍陽也諒匪力厥陰無亦甚
時極理終固情成勢難寢徒然江漢紀莫制北飈凜
寒湍落孔家霜色峻不廩甘菊冬始華赤樹紛如錦
校閱纔及旬勞拙遺安枕旣已阻攜玩胡由接芳衽
擬峴行共陟寄言備醇飲

內第玉園庄歸

逾年始及村日入復言歸言歸亦何爲景異情難持
沙禽噉噉鳴園林收暮霏暮霏轉急湍春草碧漫漫
我行已逾堤我心念猶攢志往物不隔室遠詎無端
誠合靜者慮郊野豈徒安

悲悼七首

內第左國王挽歌

滔滔水東逝靡靡日西馳日馳雖更晨水逝無還期
清醕滿華尊鳴琴在旁茲門堂不改故若人竟何之
天在獨兼今凝澄究若斯二紀罔自保千秋寧詎知
情慟道與結感往志彌悲皇皇徂暑月捐我就郊岐
故築卽新墳廣路席前基狐兔夕向啼芳麻延碧滋

心已許回轅痛豈欺永測游魂理徒此眩盈虧

改營外舅大大園域

貴賤無二死賢愚同一丘明公昔謝世跡駭理夷猶
夷猶及茲年墓木拱已稠志決物可贊運旋情更酬
悽悽臨壙穴崩迫覽陰幽昔爲羨丈夫今與腐者儔
枯骨蔓草纏劍珮攢蚍蜉痛沉柢愈迷神明竟何遊
名崇壽罔積露墮蕙先秋芳塵滿華屋故馬咆行輶
改園僅逾阡穿地卽我謀方期粉櫝成庶紆生者憂
爲惟國士遇因慟遂成謳

熊御史卓墓感述

幽幽山下江峩峩山上松纍纍松下墓瑟瑟松上風

慨昔與君遊並遊京華中
我冠省臺內鳴鑿趨步同
中更嘆莫偕永逝當何逢
絕絃已易慘挂劍今誰從
駕舟亂回洋展墓臨高崇
浮雲駭南流顧望摧我束
德音既長已情感胡由通
祗餘泣麟意悲歌傷命窮

徐子墓

晨興駕我車行行造古墓
墓門一何寥踟躕久延顧
白阡脩且直青松夾中路
借言葬者誰漢時徐孺子
麟出諒不偶龍潛竟何以
我我東都會藹藹青雲士
一鳴爭及時邁跡歆先軌
冠蓋紛若雲車馬闐京里
鳴玉氣自振排闥情難已
鴻鐘有競勲大策無停紀
斯人獨岑寂哀嘆勞心理

溫太真墓

雙鷲識妖端一馬前
休兆中原旣板蕩臣主同
奔峭長蛇恣吞噬白日掩
孤曜心違祖述楫事蹟扶
風嘯康屯見斯人辱已存
機要建侯竟誰功江介無
飛旒勲成身乃殂天逝徒
心悼側惟盈縮理虛咎燃
犀照遺墳闕清千古樹寒
新廟來阡莽迴鬱弭節紛
延眺載瞻徐墓邇益壯風
流紹

澹臺滅明墓

子游昔宰邑邑有澹臺公
非公不見宰不徑垂無窮
身歿埋豫章豫章乃城中
長松何寥寥石墓堅且崇
崩館晝常陰古樹多悲風
丸丸擁墓藤垂垂網戶虫

喧寂本異感慨惋當何同道伸固難滅瞻睇搖晴虹
長如對孺子墓夏謁

懷賢意實勤展謁良已屢手茸蔓草盛間關夏禽哺
野歛延竹戶丹華綴高樹徘徊想故榻流連果誰遇

詠物四首

孔廟松

夫子廟前松童童一青蓋盤擎若蒼龍借問自何代
靈籟度笙竽古色積烟黛森然森翠中鬱彼風雲會
絕勝講壇杏應並闕里

犬詩二首

警夜力不贍逐吏非所任吠花春院閉戲草日移陰

家貧稱戀主時乖堅始心

二

吠厖聞昔詠走盧欽故名遊園方載徐重鉞寧自行
發踪難可遇霑草空含情

詠信州茗和鄭子

厥草有佳種靈味固無匹豐內謝華榦卑方類謙抑
陽和散林彩脩脩吐英特濯影金屑泉敷芬玉巖側
完馨重伊始溥露浥其色采掇屈柔腕製之成我德
三緘附貢品遂辱君子食入鼎沸銀浪隨風可傾國
滌煩古有經通仙詎堪惑

蘇氏古木盤巖山晴狀

三餘百言古詩四十七首

宗廟古詩四十七首

聖賢古詩四十七首

風土古詩四十七首

空同先生集卷第十三

北郡李夢陽撰

詩 五言古詩四十七首

游覽

余懷百門山水尚矣頗有移家之志方春氣
熙忻焉獨往述情遣抱四詠遂成示同好數
子

自大過渡河趨陂沙岡

陽武詠懷陳平張蒼遂及博浪之事

覽遊百泉乃遂登麓眺望二

登太梁故城

德安趨濤陽

宿園通寺

釣臺亭成

卧龍潭

白鹿洞徧覽名跡

始至白鹿洞

陟嶠

廬山秋夕

落星石

泛左蠡

騎登謝址復舟觀於石壁

南岩寺

赴懷玉山作

至懷玉山會起書院

薛家樓宴

曲江亭閣豐城縣

發豐城屬江漲風便

武陽抵進賢

自南康往廣信完卷述懷十首

廣獄成還南昌候了十首

游覽

余懷百門山水尚矣頗有移家之志交春氣

熙忻焉獨往述情遣抱四詠遂成示同好數

子

魯連蹈東海介子逃西山方舟信超越巖徑安可攀

揚烈猶靡懲置金徒嗟嘆伊余秉拙訥薄遊及茲年

急湍有奔桴迫路無停轅慘慘滄流月悽悽沙塞烟

徒欽靜者意未遂同袍言偶耕慕龐公岩棲景焦先

捫衷諒有持顧已竟誰諉復來感方寂解作憂更牽

抑心二十載始別金門還積疴謝人徒頗與踈遜便

空同全集 卷十三
春茲丘園榮豈羨長苗篇

二

浮海傷固窮逾河嘆誠邁濯纓萬里流高視九州外
功成奔運徂氣至流飈代淒淒秋柯零冉冉春條媚
周覽倦河壖孤悰冀岩瀨道以沉寂超賞與崇深會
豈惟超遠情亦因謝塵籟想山中人風吹女蘿帶
折麻凌險岫采秀越森蒼眷彌志終申獨往竟誰礙
亭亭太行峯崑崙百門對抗手別故權乘雲弄烟瀼

三

閻圖訪名奇久欽蘇門山危峯羅縣躡積石噴鳴泉
情吟激衛女嘉遯招古賢出遊結夢想神往理誰訖

連岩旣鬱紆迴渚復繇羊猿吟曙霏豁鴈泊暝陰還
杖策躡丰茸解裾濯潺湲仰視遊雲翻俯察戲藻鮮
覽物慨幽存撫化懷冥筮况逢春華交更此眺孤烟
畢婚非達生一嘯復何言

四

山客戒明發朋故來攀留岩潭窈叵測險徑增離憂
曰余負幽僻誦古歌遠遊陟懷康樂屐浮羨鷗夷舟
探討傾子長浪迹多阮侯若人不可作瑤草竟何酬
事往悲易深情存道難侔以此激孤詠喟焉睇滄洲
安波有覆臚坦路無全輶危虞豈在嶽薄劣終見尤
願附綠蘿緣永與棲者儔

自大過渡河趨陂沙岡

凌春遠行邁游目恣公趙漸辨林中曙遽失霞上月
觸物誰為情悲嘆曷可歇載登隋疆場况眺宋城闕
陽坡散初柳陰曲峙寒雪只此判氣候豈必殊燕粵
潏潏濁河駛戛戛晨風發揚帆截驚瀨倚棹望窮髮
鳧鴈眇難即汀蘭翠堪結美人既莫期天路復幽絕
陂岡鬱參錯岫沙皓明滅日暮孤雲興何以慰忡惻
陽武詠懷陳平張蒼遂及博浪之事

王璽戒不力金鏡淪無光大人既龍興烈夫亦鷹揚
伊人各乘時矯若孤雲翔韓維豈在屢秦氣日以喪
六奇佐揮戈五運開靈昌時來屠沽奮跡往英雄傷

平生冀風期况乃逾故疆灑淚越修垆含凄遡河梁
古墳密嶢嶢春沙鬱茫茫徒瞻松柏路詎申椒蕙芳
遺榮竟何尤任智終自戕羨彼赤松遊援筆即此章
覽遊百泉乃遂登麓眺望二首

束髮懷幽奇覽籍冀有遇采登百門泉果協佳勝趣
瑟瑟圓波踊藹藹浮陽聚止坎渟泓洌激石迅湍注
昔聞滄浪濯今解川上喻豈惟傷衛歌兼以發蒙慮
况值春序中群物已改故菰蒲冒清深鱗介各以慕
行羨浴渚鳧靜對栖雲鷺岩霏空潭影林藹寔朝暮
極目北上軌朝宗感游寓

發鞍憇林木杖策陟陁峴巖連嶺參錯洲由岍廻轉
白日麗蘭薄原綠靜如洗嘯臺既清峻行窩更幽緬
慨念昔時人瞻望淚已泫薜荔夕搖曳蘿徑復誰踐
碑板半磨滅石門積苔蘚代異道豈隔事邁迹空顯
獨采石門秀卷北何由展逝鵠無卑音潛蚪厭汗淺
曠哉古今意難與世人辯

登大梁故城

登高與處卑由來慮多端登高尚寡悰處卑焉能懽
以茲歷荆榛寒衣躡噴岍土壤帶陰風樓櫓危急湍
岩岸苦崩奔葭葦何漫漫周望鮮故物俯察多憂嘆
潛魚豈其鱗驚鳥無停翰雲浮誠不任淵沉諒何難

終附岩穴棲斯地非我安

德安趨潯陽

始征晨風息雲流月色展登陸艱且澁厲澗一何緬
維時仲秋交颼颼林颼卷綠竹垂我車卅花映行憇
冒巒維有松繡石畫成蘚攀寒雖多悅巨頓乃勞倦
日中迫廬岳蹊徑愈回蹇雲湧連遙嶠雨暗失近巘
奔崩萬壑會嶽絕一徑轉遽詎川梁沒幸遇石瀨淺
道以習坎利用待既濟顯介石諒益周巨川豈遂眩
誰哉能豫謀隨寓期可遣

宿圓通寺

曉發蒲亭邑暮投石耳峯僕夫困霑濡山雨猶響松

空同全集 卷十三 五言
茲壑况采阻顧望惟溟濛幽岩託層房豁然臨猴江
竹修苞北基巖峭垂南巖俯觀裊戶蘿仰聆走簷淙
挹此暫足遣逖想情難降陶公有遺墳黃子留孤踪
通止良固殊羈縛誰爲棕坐聞吟猿暝祗令歸思伸
釣臺亭成一
颯颯風礪瀉纍上山石峻上構倚岑削簷楹闕奔迅
俯之纔一壑仰面已千仞訝游竟日夕載色披英俊
故杉改新蔭魴鯉况充牣本輕狂公釣詎慕庖丁刃
素飈裊延蔓商氣斂芳潤臨深樾邃奧覩逝識大順
却笑矜名子羨魚一何吝

卧龍潭

出遊青天礪遂至卧龍潭重岑上無極白日蔽寒嵐
巉峭詎能步嶽絕誰可探歷石誠巍倨捫壑驚訝谿
我行值秋季霜藟搖匡南午攀日忽夕足倦情逾酣
雷瀑響岩澗孤花媚澄泓撫似悟命意循跡想名庵
庵廢人踪絕岩剝文半滅世異坦道塞慨茲忍能說

白鹿洞徧覽名跡

情高忽凌厲步健輕巉緬葛弱亦須捫崖滑每獨踐
涉清愛重屢探阻遺驚眩始茲陟五岑遂憇松下巘
岩桂紛始華石耳翠可卷追想白鹿跡伊人竟何遣
觸端緒自縈薜荔况在眼慨嘆意莫置顧望日已脆
夕湖浴岑峭流光滅蘭坂命酒寫幽獨鳴琴且游衍

始至白鹿洞

曠哉超世志，緬邈平生思。鬱壹眷名跡，久注匡山隅。
南涉枉嘉命，果諧夙所期。仲秋岩壑清，宮館復在茲。
白石激寒湍，岩蘿裊空基。黯傷逝者往，密慚來者追。
性同道豈隔途，異理空悲興。言懷昔賢日，竟眺前岐。
榛荒徒鬱紆，林岫一何架。感情匪哀嘆，聊詠昭言垂。

陟嶠

伊昔謝銜歸，志頗諧綸釣。其追河上跡，切慕蓬池嘯。
孰知紫芝慮，竟荷青雲耀。值秋歷江郡，弭節登廬嶠。
沉深九疊秀，峻極千峯峭。錦繡亂岑嶺，晨夕改觀眺。
晶晶游氣歛，皜皜寒日耀。飛瀑信霄邁，奔峽還龍躍。
耽遊遽忘歸，久住輕時誚。天池絕亦捫，石鏡扳可照。
矧茲二三子，芬馥含清妙。霜嵐澄西夕，從歌做希調。

廬山秋夕

山壑寒氣早，日夕風色緊。火流桂將歇，霜至蕙草墮。
蟋蟀集澗館，禾黍被疆畛。感物憂自攢，排遣情詎忍。
年俎身與衰，時棄世所哂。躊躇夜不空，起坐萬念軫。
崖傾月西流，嶂曙松猶隱。噉噉露猿啼，行行采方菌。

落星石

千江勢欲倒，蠡門支孤嶼。輝輝雲崖映，洶洶湍瀨注。
霜水落丈餘，石角露齟齬。探竒犯嶽涉，停旄挈賢侶。
褰裳入松寺，倚竹望風渚。崩奔亂帆下，殺曳波鳥奉。

秋空詹明澄浮山互吞吐靈根合道蘊曠蕩豁褊阻
貞扉亞砥柱險可並灑瀕不聞永嘉勝祇因謝公許

泛左蠡

辭山意不悅水泛暫可樂微風逗帆席日鏡展光耀
揚歌蕩漠昧鼓柁極窈窕指顧異晨暮俯仰改觀眺
出沒湖中山明滅海上嶠素輕左蠡險今覲石壁峭
謝屐久已蕪陶磯寂誰釣解吟松門詠令人發悲嘯

騎登謝址復舟觀於石壁

奮鵠有奇翰古鐸無追響游雲跡易滅鳴世情難想
昔吟瞻眺詠今覲湖中賞松門既岑峙川水深已廣
昏旦候自寢伊人竟焉往岩薈徒空歎堂基鞠為莽

扉徑不可識悲愉異今曩石壁屹寒岸葛崖嘯翹颯
攬馭意已極登舟祇彌惘抱茲久延佇遵渚路回枉

南岩寺

岩高屯屋巨谷邃至跡罕仰之訝天缺登頓徒雲滿
木零鵲巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤
重陰起北谷凍雨響前壑志定邁執禦勇往竟孤攀
挽葛接懸狖架木凌飛湍律律岩壑寢颯颯嵐風寒
隔港望絕岫崒崒已雲端

至懷玉山會起書院

冒險登雲峯雲捲風不卷淒淒松霰響濡濡竹露泫
沾塗意已困覩構色頗展故堂改顏制新築負幽巘
伐材但芻谷襲石况非遠清渠激修溜巔畝曠以衍
偶至若期遇天定固良鮮仰止古有訓靜成方可挽
祗虞遊業子捷徑爲世莞

薛家樓宴

閑遊北城隅俯視清江郭洪川帶名都形勢自相錯
樓觀藹鬱鬱街巷紛以漠北城良已高况陟城上閣
輕裳拂倒景飛檻聆天樂夕山一何蒼夏潦彌井絡
衝風激回流玄雲駭難泊暗觀逝者危遂悟居者樂
慷慨亮易感捫心果誰惡夷險非我爲彈劔且盡酌

曲江亭閣豐城縣

繼舟金華潭遂陟岡上閣蹊徑阻紆鬱岩水光參錯
夏林一何清餘雨浙未落高覽景自異况值晚霽廓
夕日明錦湍歸雲擁華薄近日山聿蒼遠嶺復岑崿
曠蕩感遇寓俛仰嘆今昨不見往者悲祗覩來者樂
顧瞻大江流愈恨代謝速源湧竟誰禦謙守諒能曲
所貴遺榮名覩義願有勗

發豐城屬江漲風便

午晴發豐邑挂席溯修瀨潮起果諧志風助利擊汰
棹歌落日上滿目波嶠外巨川信易涉貞固乃宜戒

武陽抵進賢

大字流玄化生情互陰朗積霖夜猶注寒陽朝遽上
肅肅晦色斂晶晶川水廣楓林一何赤沙嶼鴻競往
涉河歷紆鬱登嶺暫停鞅撫江信縈帶鐘陵氣弘敞
荆俗雜澆厚徵賦則邦壤佩刀豈民性剪戮嘆幽枉
自南康往廣信完卷述懷十首

越旬不出門所值疑初靚長湖迄華岳融景遞澄秀
鼓枻聿行邁覽物每欣遘飄飄順帆風透遲斂雲晝
鳴鶴矯豐田文魚駛閑溜有生孰靡適時及異榮疚
彼哉吾豈仇乘運視所受履茲良已快廼餘足云究

二
迅風會高雲逝逝曷能已朝聳冠劔馳夕暮遭纒繫

榮辱邈何因慨慨昧成理湖程莽復闊灘溜干春駛
肅肅東驚帆晨夜不得止仰聆啼柯猿俛傷躍清鯉
一言季布召斥以一言毀從古誰靡然寄語求金子

三
金闕簡英儒玉書托紀綱絲言一何諄黜佞掄圭璋
澄清有夙愆攬轡誠慷慨聿茲歷三始矢志千載芳
風波駭非意多口亂否臧九閭眇以玄欲扣六融傷
所司專愛憎威刑喪厥常彼芳聳輕蓋寧知嗟道傍

四
淵雲諒殊性予豈經世儔馳驅二十祀學宦寡諧謀
昔斥還三河誓言永林丘靡堅今咎誰畜志竟莫酬

空同全集 卷十三 詩
枉難歸貽阻眇焉痲前修陟崇望波嶺翔雲駭西海
春羽振桑榆念之心形仇東徂嘆伊始懷哉卑無尤

五

朝離傍羅浦東至龍潭宿戢柁候明發獨寤守空曲
宵晝有常理欲往不獲速多慮良攪眠強置復攢觸
起立萬動寂湍響應鳴谷驚風臨岬激高月散春木
絮雪吐岑岫玉蠅低以屬慨哉復奚道徘徊至天旭

六

一氣噫太虛吹萬良不同伊余就幽役春序奄巳中
芳辰下霜雹寒暄乖故風北柯沮靡榮尚林曷由豐
臨門翳孤松悠悠慨初終張儀相六廷虞氏哭途窮

七

首陽乏長薇洛都鞍馬雄天定俟何時詠言摧深乘
雲和易成霖羲陽一何冥漭哉沮洳區佳日閑我肩
覆瓦僅葺床頽壁支數檣淒飈驚中帷電霞時復零
天道有常垂萬殊誰竟寧子期久已徂縱陳孰爲聽
當道有豺狼瓊言訾螟蛉習坎固終利從茲倣無形

八

靜居百慮屏孤樹迺墻隅奄茲華葉更搔首睇淹如
時雲布靈谷天令震高衢霖潦灌百川萬壑寡安魚
東京構黨禍郭子逝于于伊匪三顧勤孰崛南陽廬
涼燠非力排裘葛從所須龍蛇翳厥身孔贄寧我諛

赦者小人幸臣誠小人儕匪圖軒蓋榮山海有奇懷
禮法無復拘評者靡我排思夙慕華貴振鞅登要達
烜赫豈不快寤寐憂所垂識幾既不早今戀非鄙哉
乘桴越洋濤采蘭及春滋于焉可佳客龐叟心所期

十

一夕復一辰倏忽春務易雲氣布風林虬蜺盤我壁
田竇仇片言厥怒一何赫笑謔有白刃千載乃露跡
倦茲掩陳記出戶睇高翮積譴聆民謠欲采不可譯
英驂振飛鞞出入勢輝奕哀哉彼何子躊躇祗沾臆

廣獄成還南昌候了十首

一淹經六旬揚舲復焉極脫然難靡由事事嘉可即
依依春功奏朗朗維夏逼故茲波與嶺觸日異前昔
逸雲散歸雨川水浩崩溢挂帆趁風溜覽岬湊悲懔
昨猶冒中免今為頑林翼邈言念先古展矣我心獲

二

直木防見伐茲言豈我欺若華耀四海孤邈疇見知
莊鷗運池溟舉翼九天垂風積苟不厚中路將安期
嘆息竟何語俛視川波馳溢霖驚洪濤千載固厥時
燕石一何珍有驥不自持野飈激靈襟逝言惋長岐

三

時至鮮枯林朱蘭被長坂臨嶠覲賢跡停楫暫遊衍

靈雨吐葛花相葉已復展佳哉溪上邑流峙亘而緬
岑岑徐巖秀飛泉洒丹巘岩亭交景風裾帶時自卷
居高乃慮孤涉歷悟攸遣枚枚三陸宮千秋竟茲顯

四

餘干濱巨湖厥上曠以浮津驛暮何翬避之泊南丘
遣子省其母析權詣江州明星波洄洄欲發仍復留
有端肇絲微涓涓遂成流拊心實罔慚患來誰誠謀
紛綸及今茲事已遙尚憂志士常苦貧飢渴無我尤

五

昔遊東山日覽古肇新宮徐令實經營綜誦溢其中
閱茲奄三年離滯心莫同我舟非不維奈此西逝風

乃子胡德余干邁遠從公朝旦發龍津暮棲依瑞洪
湖山沒如拳波途浩難窮佇瞻有深懷貽誣勒堅崇

六

夕棲瑞洪渚遙覽渚北山相傳洪崖子乘雲自此間
履跡今尚存其人邈莫攀粵余登征途頻年涉間關
毀譽一嬰心寤多言所嘆於此誠踟躕振衣躡前巒
泮水莽浩浩驚風蕩回川欲濟惜無梁颺輪儻中還

七

登艫脩五日覽接漸增闊洶洶北注川瀏瀏得縱壑
劇哉風水慮履順故靡豁高鳥厭塵集智士貴處末
交甫懷漢濱婉變情遽言結駟匪不侈險至誰竟過

空同全集 卷十三
沉身厥亦宰萬世惜不脫遙遙哀雲岑瑤草爛馥掇

八

明晦每無常人道豈不然歸雲徂靡餘日華耀清漣
戚愉繁爲誰喟然想千年姑蘇寵宰詔越孤辭會山
梅將輔番君范子逝不還垂歲君子貧枉尋矜太賢
時霖潤萬物猶蕙乃同妍東門可棲遲歸歟聿奚言

九

陽鳥逝無餘觀者驚與鳧青青澤淑毛刈之糞誰禽
經過問當年云茲夙屬吳歸命喪厥儀長雲奄西徂
撫床竟空言金陵乃以都桓侯威八州溫氏闡雄圖
聆言愴我衷徬徨感終初濕一今其時舟騁非爾虞

十

仲冬別豫章涉夏茲復臨涼燠殊厥時能不摧我襟
樓觀蔽泰清衆木婁以陰倚撓涉龍淺優游眺洪深
魚鼈潰驚流瀾駭遂至今半有夙縱鳧振翼回哀吟
波阻杳莫即馳景忽西沉抗手自茲辭萬世懷飄音

空同全集

卷十三

十四

空同全集

